

山子詩鈔

二

蘇子知

如學

PDG

山子詩鈔卷七

裴庄筍岳方 燾著

漱湖草

起戊戌訖壬寅計古今體詩共四十有四首

杏花春鳥圖爲朱雲帆題

天光駘宕春風生杏花吹綻雨初晴幽境無人物自喜
好鳥枝頭時一鳴此時景色饒佳趣今乃忽於畫中遇
輕紅淡白帶煙痕欲飛不飛棲雪羽閒牕展卷一披拂
風致清妍超凡格毫端直欲追邊鸞眼中不復數崔白
飭簫一聲春晝長座間拂拂來清香令人摩挲手不釋
置身疑在午橋莊

柳花和盧秋涯

兒童捉處滿長隄細逐桃花趁馬蹏踐入征途初過雨
飄來禪榻定沾泥晚風官渡春流漫野店殘陽酒幔低
直待浮萍看化去依然踪跡任東西

玉山佳處

得佳字

玉子崗西水一涯界溪景物絕清佳春風座滿人如玉
夜月筵開酒似淮幾處樓臺傳畫藁四時花藥入詩牌
合教作記標名勝誇殺風流楊鍊岷

顧仲瑛世居崑山之西界溪之上闢爲園池別墅亭
館樓閣凡三十六處合而稱之則曰玉山佳處也楊
廉夫作記并備載于名
勝集與循吉蘇談二書

綠野山莊雜題贈主人沈鑿坡

小築清閒野趣饒綠陰深處隱疏寮別藏邱壑盞中景

不數平泉與午橋

庚庚橫理碧玲瓏
幻出奇峯入畫中
空翠滿庭屏幾疊
翻疑移置倩愚公

小山雙桂綻芳苞
月滿樓頭香暗飄
料得隱侯秋思好

廣寒一曲譜清宵

中有雙
柱軒

數椽雅合課三餘
行遠吟廊坐擁書
最好竹畦花徑畔

一罇松火注蟲魚

又有三
餘閣

祝傅母節壽

大義扶綱常
大節重山阜
鬚眉號丈夫
寥寥亦罕有
豈知閨閣姿
乃礪此操守
簪蒿垂卅年
貞白逾瓊玖
啟後與承先
支撐仗隻手
卓哉古女宗
徽美媿陶柳
松柏有

本性耐歷歲寒久鳩杖忽已頽瑤池進雪藕大壽更有
在千秋名不朽

題山水畫冊

山外頗清曠小有數間屋不見幽人來滿地松花落

其二

蒼松插山坳冰泉噴石罅松聲與泉聲清響兩不下

其三

流水抱孤村小橋通曲徑此中別有天津許何人問

其四

我欲謝塵事日遊此仙島倘遇安期生飽喫如瓜棗

其五

一桁青芙蓉中有虬龍松濤聲忽陡作直欲驚凡聾

其六

積雪滿空山寒風凜薄莫寂寥茅屋中定有高人卧

秋柳次韻

仍是秦淮舊板橋可堪蕭颯掛寒條風前弄笛船何在

李願揚柳風橫弄笛船

客裏關心魂欲銷野渡影疎涼月上離亭

人去冷煙飄六朝宮闕荒蕪甚幾樹棲鴉伴沈寥

寒流漠漠繞溪橋搖落長條更短條荒驛馬嘶斜日冷
白門月口翠痕銷毳毳無復濃陰覆寂寂空餘瘦影飄
何日林塘春漏洩重來遊騎破淒寥

夜坐

迢迢漏滴正遲眠枯坐渾如面壁禪鄉夢欲生燈影外
鴈聲偏到客愁邊煨殘榾柮爐餘燼寒逼簾櫳月有煙
莫怪頽唐甘伏櫪年來懶著祖生鞭

題垂釣圖

垂柳籠清陰晴波漾淨縠涼風水面生嵐翠空際落有
客理釣絲維舟傍水曲翛然澹忘歸煙雲共棲宿抱此
邱壑懷饒有林泉樂遠追羊裘翁一竿寄高躅

訪錢蔗畦不值

矮屋隱叢木雙扉面清漪地偏罕人跡我行來逶迤小
犬吠花徑野禽鳴竹籬伊人竟何往獨立空遐思

豆腐四首次董恭甫司訓

傳來撰法漢淮南博得佳名隽味含落日市梢招客舫
曉煙茅店聚筠籃全憑水化寒還潔又假膏融淡亦甘
喜我近來兼學佛禪心好向此中參

別號黎祁佐素殮

豆腐一名黎祁見天祿識餘

徧行城市與山村五

更燈火經磨勵到處盤餐給曉昏瓊欲凝漿饒有味玉
還流液淨無痕價廉取給還維易日日來過野店門

月落林梢雞亂鳴盈箱疊架釀初成十分膩滑西施乳
一味清腴何晏飭令節正宜連艾酒迂儒端合配藜羹
曉炊且付吳娘手細劈園葱瓦釜烹

不索珍羞向市街一甌菽乳愜幽懷臣心贏得清如水
公味由來爲最佳恥逐腥羶充肉食但同苜蓿稱清齋

自安淡素家風舊肯嗜膏粱與眾諧

月輪寺贈德上人

明雪傳燈契合深待梅亭畔寄幽襟

龍化寺爲高僧明雪道場上人出家

於龍化寺寺有待梅亭

一瓢花雨來枯寺四壁清風愜素心落葉

空堂寒佛火敲詩午夜伴蟲吟

上人工詩時有唱和之作何時贏得

伊蒲助璀璨重輝佛面金

蘆筆

小草分來青鏤名慣描秋色繪秋聲乍疑夢好花頻發
旋覺鋒頽霜正盈畫徧沙痕新雨霽書殘練影暮江平
如椽又復如林立那得移封到管城

落花和吳藕村八首

聲聲鶉鴉怨東風花事闌珊取次空一死未甘同腐草
餘生不免類飄蓬縱誇國色惟殘艷欲駐春光祇老紅
刺眼可勝遲莫感倚欄愁對夕陽中

多方愛護竟成塵何處猶堪採好春幾樹唳鶻芳意盡
連宵聽雨客愁新時違不忍追前度情戀還同別故人
歌扇舞裙俱闕寂冷遊誰復碾雕輪

一欄穠豔想依稀轉眼園林覺已非但有綠陰如幕列
旋成紅雨送春歸小橋漲水隨流逝僻徑無人逐絮飛
正是閒愁無計遣偏教故點客中衣
碧草如煙水遶隄舊曾游處路旋迷玉樓人去歌初歇
金谷園荒日易西蝶戀餘香猶強舞馬經廢苑亦哀嘶

莫嫌我夢無聊甚好鳥枝頭亦懶啼

鏤紅刻翠等浮漚圖畫亭臺此日休伊昔繁華曾有幾
祇今顛顛不勝愁燈前細雨歌河滿簾外東風惱栗留
髣髴九秋蕭瑟甚一林楓葉下江樓

金粉飄零付劫灰春如短夢急相催雨深荒徑鈴空護
草長閒庭□□□未免低徊辭故樹可堪狼藉糝蒼苔
返魂有術終無補安得香從海上來

小睡初回夢蝶牀紅芳銷盡儘堪傷鳩啼帶雨埋幽徑
燕蹴粘泥上畫梁客去誰猶酬綠蟻色衰偏似厄黃楊
殘山剩水旗亭路何處重尋一瓣香

樹欲成陰日較遲郊原春去已多時遊踪寂寞山如黛

歌館淒涼雨滿池，
秋扇承邊風。岩濛湘簾拂處影參差。
愧余秃管同零落，
輸與江郎筆一枝。

和吳藕村移居四首

墨稼經畬倩筆耕，
堂開綠野善修營。
徑因延客曾重拓，
閣爲藏書喜已成。
舊主仍留相識燕，
高枝更聽早遷鶯。
遂初賦就歸來日，
好向庭除戲綵行。

尊人司訓三衢將欲告歸

溪橋水遠碧沄沄，
伯仲園林咫尺分。
春到池塘應入夢，

詩編花萼並能文。
樽前樂事仍時敘，
月下書聲可互聞。

兩北水南珠樹接，
才名何事說機雲。

碧草芊眠花樹紅，
載來家具畫圖中。
卜鄰自合三遷地，
遺業還傳九載弓。
蘭蕙盈階攢秀色，
縹緗插架屬詞雄。

叔庠門第依然在肯負琴書舊日風
愛客雙扉晝不扃地因人重亦俱靈
拂雲樹繞千重綠排闥山橫數點青
乞得絲毫時選韻燒殘藜火夜窮經
羨君至性成佳什粘壁堪爲座右銘

題春江載酒圖

瓜皮艇子笋皮篷綠樹江頭泛好風
載得烏程下若酒可將奇字叩揚雄

輓族兄侗齋

月犯微垣處士星可堪宗袞半凋零
風沉雁影波空碧夢斷池塘草自青
無復對牀談夜雨祇從遺挂想芳型
家庭師友今存幾猿嘯鷓啼不忍聽

題牧童晚歸圖

隴阪澹將夕，于喁歸雙牧。
風吹牛背涼，殘陽挂古木。
鴉集又驚飛，村童頻送目。
晚景一時佳，行吟遶山麓。

除夕感懷四首

雙鬢年來已漸皤，可堪三徑半荒蕪。
村儺舞罷將辭臘，戶履盈時爲索逋。
呵凍且教書鬱壘，澆愁祇仗醉屠蘇。
記年愧我今週甲，破帽青衫一病夫。

歲屢逢荒菴，屢空甌塵頗有范丹風。
療飢難煮書三篋，學稼還慳地一弓。
擊楫江中慚祖逖，賃春廡下老梁鴻。
那堪紫府來丹訣，返我衰顏舊日紅。

腰鼓喧闐沸比鄰，蓬門寂靜獨傷神。
空持秃管勞三戰，

惟喜慈親近九旬抱瑟誰家堪奏曲把竿何處可投緡
忽聞爆竹聲頻作曾否能分一綫春

往歲今宵二豎侵貸錢百計辦參苓祭詩尙可搜殘帙
壓歲從來無剩金書就宜春寒欲盡燒殘樺燭漏初沉
詰朝或許添新喜鵲噪晴簷報好音

山子詩鈔卷八

裘庄笥岳方
燾著

撚髭集

起癸卯訖己酉計古今體詩共一百零七首

擬謝元暉遊東田

風日喜晴和芳意媚林壑携屐且嬉春挈伴共行樂落
紅漾溪流酣綠隱村徇野禽鳴幽林酒旆曳山郭選勝
興未闌花外殘陽落

種菊

聞昔柴桑翁愛菊得真趣我非能追蹤亦復成菊痼備
種分鄰畦編籬謹扶護張幕避炎歊汲水灌晨暮雨過
防濺泥毒滋急除蠹蒔也真若子出入屢相顧九月花

盈階如友快把晤澹然愜素心此外復何慕

題撫琴圖

五粒松搖風滿林潺潺飛瀑挂寒岑空山贏得無凡響
且撫焦桐寫素心

病起雜興二首

夜來雨初歇庭翠滋新綠春風散曙煙好鳥鳴晴旭披
衣起散步徘徊遶廊曲萬物各有得人心何自局達觀
息羣營曠然貧亦足

病卧兩月餘久不弄柔翰卷帙恣蠹蝕鼠跡汚几案因
復理舊業拭塵供清玩豈不惜勞勩養性在靜觀遂教
却鑿師詩書共昏旦

題茗上鐵佛寺

偶然選勝此勾留近市珠宮景獨幽滿徑松花人跡少
數聲蟬噪寺門秋談禪可復陪支遁把臂欣重遇隱侯
時沈迂庵寓此把晤良久我欲乘閒常借榻擬從蓮社結盟鷗

苦旱

旃蒙大荒落旱魃肆慘酷五月至六月日日懸晴旭昨
聞父老言有雨在中伏如何秋已交蟲蟲更炎燠老龍
死泥中雷車竟折軸良田皆龜坼黃塵揚溪瀆桔槔具
已窮瓢水勝珠玉嗟哉襍穡氓無策但仰屋米價市日
騰病熱且枵腹安得天心仁一雨慶優渥庶幾薄有收
上輸天庾粟不然虎吏來何以免鞭扑

秋燕

剪柳栽花跡已陳
飛飛無復畫樓春
西風漂泊憐如客
故壘淒涼空傍人
漠漠池塘寒夜月
蕭蕭門巷半荒榛
同思海上留郎國
料得歸心入夢頻

秋蝶

寂寞園林違令辰
始疑猶自舞風頻
翅沾草露三分冷
夢斷鶯花二月春
已分過時支倦態
更從何處逐芳塵
縱然晚艷留叢菊
曾否能濡粉澤新

多寶鏡

有鏡膺美名
奇異誠獨擅
一人來我前
照見四四面
或益十數人
對影目欲眩
聚立如蜂攢
各各自矜炫
舍鏡

視其人寂然不一見爾竟將我戲我幾爲爾煽投之洪
爐中烈焰從煨煉誰知人世間何事不萬變

讀飛崖大兄遺稿

夢斷池塘草不春西堂無復共題襟空餘做箎詩千首
夜雨殘燈帶淚吟

壺觴自酌圖爲王棠邨題照

憶昔五柳先生彭澤歸飄然拂衣覺昨非歸來種秫但
釀酒酒酣自適全忘機先生雅與陶公耦遣興時教杯
在手壯遊汗漫窮炎荒雲夢胸中吞八九一朝歸去來
攝靜避塵埃惟好飲美酒一飲酒百杯有時酣卧足天
趣人世牢騷於我何有哉因邀畫師作君照傳神不獨

肖其貌屋數椽容膝小圖書插架壁懸琴有酒盈樽償
夙好不藉白衣送桑落正新造不須二仲來有幼膝前
繞自斟自酌不喜賓筵號叟多熱惱中有霜花綻籬東
風清露冷淡秋容三徑更栽虬龍松隔溪遙對芙蓉紅
小橋屈曲水淙淙往來岑寂無塵踪忽來阿段抱焦桐
定有高人卽來欲爲先生一曲彈松風先生角巾道服
鞋編屨頽然坐飲興正濃一切清課猶疏慵飲酒但學
柴桑翁

月輪寺

荒渚古招提蕭然遊屐稀僧殘凋貝葉殿古長苔衣斷
岸舟橫浦臨流荻護扉

寺在蘆蕩中必以舟渡俗呼爲蘆蕩廟

何時來慧

遠佛日得重輝

懷歸二首

羈棲猶殫苦吟身夢裏家山總未真愁絕行囊空負米
倚閭望斷白頭親

殘冬風雪客中身寒逼青氈面欲皺憶得梅花曾手植
故園猶放一枝春

春齋漫興十首

地僻無軒騎閒階長綠苔卷簾從燕入掃徑待賓來書
購奇編讀花尋異種栽偷安聊自得何事向黃埃
一榻村烟外幽棲絕點塵時來方外友不少箇中人酒
釀梨花醞茶煎穀雨春鄉園風味好淡泊任天真

天色初開霽融融風物和旭光穿樹碎簾影受花多客
去閒棋局盤陳藉釣簑清溪風細細一鏡起微波

棐几當軒設虛存丹與鉛著書防忌諱涉世畏周旋掃
地焚香坐橫琴聽水眠閉門旋避俗可却買山錢

小築同山厂閒情破寂寥愛吟時刻竹學字豫培蕉燈
影林間出茶煙花外飄更欣城市遠過客半漁樵

點綴空庭景何須畫裏尋薛紋皴石瘦松翠染煙深剪
燭頻敲韻觀書偶會心由來機事少不用滌煩襟

青笠時懸壁年來不到城花飛三徑靜鶯囀一詩成細
雨催紅葯微風熟紫櫻園林饒逸趣日涉自怡情

性愛看流水乘閒步小亭魚吹波面白山露樹頭青解

帶清風至凭欄宿酒醒夕陽明滅處漁唱起前汀
縷縷篆煙浮閒窗生事幽借書併夜錄藏書逐年收溪
冷雲常聚林深月少留一瓢深寄迹無復動閒愁
荏苒春將去空庭首自搔戲花憐蝶倦釀蜜笑蜂勞事
佛無如鳥繙經祇是騷撫琴清課外夜飲尙能豪

貝錦峯訪沈東老宅

溪塘渺空曠一山忽高峙繡錯連三峯倒影半在水我
來肆幽尋携屐循山趾旋上火爐巔翛然絕塵滓聞昔
沈東老誅茅曾隱此回仙不復來榴畫何處是黃鶴邈
修翎葛井空清泚松風捲雲青嵐翠映霞紫盤桓澹忘
歸爨烟起村市幽棲隔雲深臨風一仰止

花朝後一日渡湖抵東山探梅

五湖富山嶺其山秀而嶧鬱盤起莫釐蜿蜒環震澤中
有梅花林暖趁春風塲山色厚醞釀湖波滋精液烘染
多煙雲綽約映空碧所以茲山梅獨占好宮宅我來花
誕辰快蠟謝公屐捨舟復搢筇陟嶺又循陌長圻與豐
圻濛濛花霧積時于白雲中寒香來脉脉花光浩如海
但見四山白靜好澹含煙橫斜疑挂月行行出樹杪依
依忘日夕頓覺愜幽懷從茲遠塵跡安得結一廬高占
此山脊與梅聯寒交蓬養資泉石

新柳和嚴澳三

秦淮雪淨緩春嬌淺逗輕陰上畫橋但遇好風才學舞

娉婷爭鞞楚宮腰

剪刀風裏乍含嬌已帶離情到灞橋
蹙損春愁寒不起
輕煙一線束林腰

雨坐

寂寞枝頭鳥不呼韶光潛向雨中徂
映窗花樹飄應盡
排闥峯巒看漸無
怪爾餘寒衣悔典仗渠醫俗竹須扶
何時開霽探春去
山踏金庭水玉湖

七里瀨用謝康樂元韻

高人有遺踪風景恣清眺江流響潺湲
雲山峙幽峭中
有子陵臺客星猶朗耀清風吹徐來
扣舷動長嘯境靜
隔煩囂波澄涵眾妙往來多塵踪
輒令山靈誚緬懷披

裘翁忘魚下意釣高風渺千古誰復引同調

過青戍密印禪寺

一篙秋水過青墩選勝來敲古寺門梅隱數椽遺韻在

幾同步屨破苔痕

寺爲高峯祖師道場初出家于寺之梅隱房徐震亨詩高踪月下尋梅隱

薜蘿濃覆隱松龕帝子橫經此駐驂仙馭忽隨喬鶴去

空堂佛火奉伽藍

寺爲昭明太子讀書館後捨爲寺祀昭明爲伽藍神

芙蓉洲上映清流三友亭空夕照幽伊昔風流觴詠地

暮蟬衰柳寺門秋

寺前有芙蓉浦浦上有宋參知陳簡齋讀書閣與高僧洪智處士葉懋友

善後人築三友亭于閣旁今改爲藏閣

一徑清風語埴鈴藏經閣外水泠泠華嚴何處探圖書

佛火熒熒屋角青

藏閣溪聲爲密印寺八景之一文獻寺有華嚴圖係聖僧入定遊華嚴世

界寤而寫爲圖妙入
神品南渡後始失

聞櫟

草堂人靜冷銀缸欹枕頻聞打竹柳落月荒村驚客夢

西風深巷吠寒龙有誰關吏憐蕭子

蕭望之不媚霍光十載抱關

可

奈邾人鄰魯邦寇盜何時堪掃迹閭閻風俗盡敦龐

擬韋左司郡齋與諸文士燕集

微雨過池館嫋嫋涼風生几案淨如拭爐煙裊簾旌且

作文酒會四座羅羣英分行雁齒列下筆春蠶聲多士

富才藻佳什璨瓊瑛詩成互欣賞酒酣高評衡情親水

乳洽誼合形骸輕愧余典是郡文教末由行嘉賓幸惠

我切劘相與成風雅有勝緣願毋寒斯盟

擬李山人林園秋夜

秋意入夜靜林園殊清妍露華冷修竹月色淨流泉雨
歇清風生地偏俗慮捐流覽竟忘寐林泉有勝緣安得
揮素琴一曲奏悠然

擬謝惠連汎湖歸出樓中翫月

鼓枻泛澄湖波光澹將夕山翠晚逾青樹影靜沉碧爨
煙起漁村綺霞映蘭澤留連愜幽懷欵乃掉歸舶捨舟
登層樓開簾見皓魄嫋嫋清風生泥泥露華白夜闌景
更幽籟靜情彌適清暉何處無遙憶同心客

過洞庭東山朱遜堂湖亭

片帆煙際下屯灣爲訪芳園一叩關半榻清風來北戶

一簾晴翠捲西山漁蓬影落書窗外水芰香生杯酒間
便欲拏舟頻過我飽收好景句中還

小閣清幽枕淥波藥爐茶竈足摩挲花栽異種霏香靜

石疊奇峯入畫多滿座詠諧追魏晉一軍騷雅戰羊何

時與康潤庵葉魚堂周墨夫聯吟東坡詩高吟相對惟羊何不須重問林泉主時遜堂謁

都選入容我勾留日嘯歌

題半泮村農圃

人苦落塵網動輒掣其肘何如栖故園相將事南畝流
水抱孤村小橋通幽藪野曠心自閒境靜趣彌厚榮辱
兩相忘牢騷一何有微雨過平疇好風吹垂柳荷鋤迤
邐來冀缺是其偶

閏七夕

風曳鱗雲晚霽天雙星重會轉淒然洵知小別纔經月
已覺相思抵隔年河漢無聲仍駕鵲瓜蔬遺俗又開筵
愧余補拙終無策辜負良宵杯酒前

七夕書懷四首同朱笠亭張松庵作

未許河源一問津卧梳敢羨汎槎人縱教乞得天孫巧
三拜空勞補缺脣

瓜果羣占卍字絲笑看兒女太憨癡縱教乞得天孫巧
不救荒厨無米炊

笑把君苗筆硯焚漫傳詩句到雞林縱教乞得天孫巧
海內誰輸買賦金

萬軸吟箋妙絕倫何如囊底一千緡縱教乞得天孫巧
祇澹文心不療貧

落葉四首同吳藕邨作

郊原歲晚木聲乾葉葉枝枝倦眼看多事春風吹漸長
不情秋雨打初殘荒郊曉蹴霜蹄冷爽氣全通山骨寒
幾次低徊聞眺望夕陽樓上一凭欄

乍聞梧葉下銀牀取次蕭條滿野塘掃去奚童燒茗竈
拾來韻士到書莊洞庭波冷霜千樹汾水風高雁一行
是處好山憔悴甚原知塵土有滄桑

愁心無限付秋空消盡濃陰彈指中畫角數聲沉暮雨
哀蟬一曲怨淒風但留根柢輪囷好空說丹黃點綴工

夢斷紫騮芳草路青袍處處委飄蓬

亭皋秋色散清寥不獨凋殘有艾蕭榆塞霜嚴迷海氣
蓼花風急逐江潮落紅滿徑憐當日烏鵲無依在此宵
悟得苑枯遷轉意生機正復寓寒條

留別吳晚青表兄

臘八初過驪駒發細腰鼓送將歸客寥落誰憐羈旅情
趁趨猶滯泲西澤泲西吳君亦寓賢風神淡蕩飄欲仙

奇書讀盡三十車腹笥便便壓老邊金閫雅附青雲行

曾在沈宗伯
歸愚門下

歸來著書隱村莊

時編次何義
門讀書記

興酣更喜

作六法驅山鞭石今倪黃我來兩載時聚首契洽酸醎
欣握手祇今鴻爪正西飛論文快把一樽酒君不見凝

香飛雪梅開早片片寒煙迷祖道莫悵分襟歲已闌村
醪處處新筍好不辭乘醉歌三疊入春更薙青青草倡
酬往復鶯花老

畫扇卽題

笑無指訣學荆關窺豹何曾見一斑但記舊遊風景好
爲君戲寫片稜山

登道場山埕

百尺飛檐聳碧螺層梯踏盡降塵魔五湖波浪天邊小
萬嶺煙雲足下多鈴瓦重開新面目

時埕方
新修

巍峩仍鎮

舊山河飄然獨躡王喬舄陡覺青霄近可摩

遣興

春光來融融好鳥鳴晴旭檐間雨乍過几案淨如沐乘
興寫煙嵐頃刻成累幅花外午風清茶鐺煮初熟

新竹次朱笠亭

四山雷動長琅玕解籜旋看翠乍攢出土已供開士饌
裁筠雅稱羽人冠未成美蔭籠棋局便有清風拂畫欄
況復此君殊解意小窗留與報平安

擬題趙承旨花溪漁隱圖卷

湖州府志溪在湖城
東南元沈夢麟築別

業于此趙承旨
子昂繪爲圖

小築清幽倚岸斜草衣荷笠舊生涯雙扉接水初停漲
曲徑無人祇落花儘有閒磯堪下釣或來狎鳥合爲家
翛然遠隔紅塵路不數煙波湖上槎

寒食前雪

祓禊方迎暖飛翼忽滿林清明應有象黯淡竟何心冷
壓春山色愁空紅雨侵飄飄真冷節誰復憶山陰

初晴柬友

曉起猶餘霧晡時忽放晴白雲開縹緲綠樹憶江城偶
爾出門望悠然拾翠行雙柑招好友寂處一鷗鳴

歲暮客感

跡印嗔鴻爪傭書年復年壯思因日耗捷足讓人先病
久參醫理愁多仗酒權何如籌變計歸去買烏犍

擬東坡試院煎茶

用原韻

獸鑪菌蠢火初生蚓竅微作蒼蠅鳴俄焉千車聲繞羊

腸徑旋渦噴珠銀濤輕辨聲視候法有二煎水雅仿古
人意君不見古人緩火炙餘活火煎手淪中冷惠山之
清泉清泉遠勝三峽來巴蜀銅瓶一瀉傾珠玉我今療
渴等療飢雪昏滌滯開雙眉不知領取幾多味外味盧
仝陸羽相肩隨且看檜雨松風滿院作清課乳花香泛
正值評文手倦時

梅花四首

別有丰標遠俗緣平生寄託在林泉寒當徹骨還成傲
澹到無塵竟欲仙山寺鐘殘初掛月溪橋雪霽淡含煙
春來風信從頭數記得逢君又一年

清泉白石結知音數點潛涵天地心老不入時風格古

淡偏有味蘊含深
尋詩祇許襄陽孟
偕隱應招處士林
逸韻定超蘭九畹
未容楚客入長吟

最無人處占清幽
月地雲階是舊遊
疎影一痕涼似水
輕煙半截冷于秋
雪深竹徑枝斜倚
月上紗窗香暗浮
檀板金樽嫌近俗
鵲爐松火對茶甌

半依仙院半僧寮
清畏人知避跡遙
似我蕭寥支瘦骨
于人疎落見孤標
一筇斜照饒雙鶴
半樹晴霜隔小橋
自是花中居第一
肯將溷雜入塵囂

題墨龍

半天雲雷卷中起
波濤澎湃空堂裏
誰寫雙龍挂壁間
定是點睛破壁之神技
老龍天矯破空行
張頤鼓鬣如

欲鳴教子翔躍上霄漢歛忽萬狀常令座客驚此龍潛
伏不知幾何時泥沙不惜伴蛟螭一朝變化逞神奇尾
矯矯角岐岐之而錯落形躩踞乘風直欲騰九衢吁嗟
乎人生株守甘蠖屈笑揭短鱗困涸轍有時萬里躡雲
程何異此龍忽起螫君不見圖中神龍起深淵腥風萬
斛捲雲烟五花食罷金鱗紛紛百族誰敢先我欲手
攀尺木隨高騫翱翔遠遊天地邊三百人中稱飛仙

茶子

洞庭東山醫士周宸展與客分題倡七子詩索
和七子者松子桂子榴子梧子蓮子茶子蘭子
也時余過屯灣朱氏湖亭適葉古村康潤庵朱
靜齋葉魚堂劉石亭朱又蘇依題分和惟茶子
未成遂請和于余率
爾拈此以補其數

蒙頂垂佳種，離離綴晚茶。含苞偏似蕊，粘唾也生花。圓豈輸金豆，孫都益家藤花結實如金豆爲大拜之驗人因稱爲金豆尙書香堪配露芽。蔡公會錄否吟咏費詩家。

春日湖塘

十里春莎路微和，二月天夕陽漁鼓開。小市酒旗懸朋舊，驚衰鬢。時余遇嚴又眉施龐村二人田園憶昔年。宋霞客曾舉田園詩社今已寂然行行不知晚，樹裏起炊煙。

平湖晚眺

一水蒼蒼晚迴環，曲遶門山銜殘日。紫鳥入暮雲昏短，笛蘆棹孤煙樹裏邨。與誰同泛艇，風月共評論。

題畫

架壑縛蝸廬，斂隘頗逼仄。莫將焦先居，認作蠻觸國。

歐餘山夜泊

暮靄沉沉退，祝融茗溪幽。處艤征篷深，林人語喧孤。戍
隔浦漁歌唱，晚風秋近漸。看河絡角夜，闌纔見月如弓。
榜人不解當前景，正在懵騰鼾睡中。

題畫

江水晴拖六幅帟，烟嵐凝紫日初曛。浪花層疊秋風急，
片片征帆遠入雲。

幽居二首和吳晚青

底須垂釣隱桐江，斗覺機心此已降。雲木數株村外屋，
溪山四壁畫中牕。偶因泛月乘舟一，每爲尋詩蠟屐雙。

賸喜世緣消欲盡陶然酣飲倒銀缸

十笏衡廬對碧江
翛然高寄興難降
一庭松菊陶潛宅
滿徑蓬蒿仲蔚窗
粉壁痕添蝸篆細
苔階跡印鶴拳雙
斜陽更喜秋塘晚
隔岸菱歌起翠缸

賦得點溪荷葉疊青錢

得錢字

金塘綠漲葉田田
輪郭依然疊散錢
鑄自波心鷺眼似
歸來泉府苻絲穿
洗空銅臭浮淵淨
買斷湖光貼水圓
顧我本無和嶠癖
任他拋擲滿前川

賦得柳橋晴有絮

數株煙柳傍溪橋
天氣晴和絮亂飄
雨霽白門風正軟
春深灞岸雪難消
聽鶯客至粘歌袂
題柱人過撲畫輶

仁看青青萍貼水還隨蓮葉擁蘭橈

茗雪行

吳興自昔推名邦山川清遠擅無雙天目作鎮茗雪環
環帶五湖襟三江按藍縷碧夾明鏡穿城繞郭聲淙淙
于今喜逢清晏久邨民饒足無驚厖人家恍在晶宮住
春波處處涵軒窗花裏小樓沽箬酒水邊矮屋散魚砭
綠野春風焙茗薺白蘋秋水雜蘭芷蓮歌菱唱相和答
煙簑雨笠來吳艘此間本稱水雲窟溯洄往復心俱降
安得扁舟日遊覽烏程佳醴浮銀缸一椽便欲買山隱
高風遙追襄陽龐

碧巖珠簾瀑布

飛泉百道挂層巒
鬢髮河流瀉玉盤
珠沫亂拋千點白
簾紋斜捲四山寒
耳邊響汛雷頻作
樹杪風迴雪欲搏
弁嶺直爭廬嶽勝
吳興名蹟此奇觀

賦得風定蘇潭看月生

一泓潭水漾秋清
風靜宵看皓魄生
璧彩淨涵澄澈底
金波倒瀉悄無聲
笙歌何處開瑤席
宮闕依然是水晶
安得蘭橈頻小泛
醉餘橫笛弄深更

墨妙亭懷古

逍遙堂外暮雲昏
墨妙亭空址僅存
栗尾題詩懷學士
兔毫書額憶王孫
朱欄碧甃空煙翠
玉躑牙籤剩蘚痕
千古風流憐過眼
環肥燕瘦更誰論

題畫

澄波如練片帆輕
樹色模糊遠岫橫
渾似樟亭春渡晚
一痕螺翠隔江生

題墨菊

陶家風味筆端收
墨瀟淋漓致亦幽
髣髴重陽時節近
斜風細雨不勝秋

題滇南何其俊畫山水立幅

空堂欽欽風颼颼
雨聲激耳聽不休
置身恍惚在巖谷
炎月生涼疑深秋
諦觀知是何生畫
粉墨駭蝕嵐光浮
怪石嶽崎鶩鸚啄
老松礪砢蟠蒼虬
長林巨壑氣盤礴
十尋飛瀑競奔流
煙雲莽蒼若無路
忽從天際現僧樓

下有逸士足天趣中流獨泛瓜皮舟倚舷手執書一卷
風韻疑與南宮侔我來把玩情欲移坐卧不辭三日留
東坡志林吳道子始見僧繇畫曰虛安得縛茅此山頂
得名耳已而坐卧其下三日不能去
刷苓種秫供清遊招客成揖浮邱往來無非野樵木客
神仙儔

歸雁亭

手署山亭思惘然飛飛旅雁正同旋數行瘦羽凌風怯
一片歸心占客先爪印雪泥磷浪跡煙籠隄柳感流年
坡公應觸離羣恨無限羈愁硯匣邊

輓吳烈女二首

湖干李氏有養媳年二十九夫客楚
未婚里有欲犯之者力拒得脫遂

赴水
死

已賦子歸日猶然未字年忽驚屨感悅旋痛玉沉淵誰
以奇冤雪聊憑多士傳時輓什甚多芳名元不朽餘韻繼瓊
蓮

不惜青珠碎從容赴疾湍三年孤榻守一死寸心安骨
冷流波咽冤沉白日寒烏臺聽獨遠何日抵狂瀾

消夏四首和太倉王松崖與吳藕邨作

數間竹屋近漁磯散髮翛然此息機一鑑當門清禁唾
雙鷗傍檻靜忘飛冰紈舊製休文扇水芰新裁屈子衣
觸熱不容來襤襪儘教鎮日掩林扉

筍簟涼生雨乍收梧桐簾外已知秋三杯紅友催人倦
一枕青奴入夢幽闕子近臨荷淨水垂竿晚巖柳陰舟

此間大有清涼界驅盡人間萬火牛

園棲爭比午橋莊客到時開蕉葉觴拜石曾經搜沁雪
談禪直欲證空王蘿煙竹雨山人宅桐帽櫻鞋隱者裝
硯北更栽松幾本風生時復奏笙簧

遠峯數點映迴川曉看雲生晚浦烟荷送清香醒宿酒
蟬嘶高樹入疏絃拓窗祇爲山當榻枕水渾疑屋是船
禮更非爲吾輩設不巾不幘一頑仙

秋興四首又和

幾回吟眺坐苔磯暑退涼生任化機山外絲絲疎雨歇
天邊縷縷晚霞飛碧梧枝老愁么鳳紅藕花開落故衣
破寂時來揮塵客聲聲花下叩雙扉

爽氣西來眼底收，霜清木脫萬山秋。
鷓鴣淺水寒塘淨，薜荔空村夕照幽。
三徑黃花留小飲，半江紅樹泛扁舟。
而今匣劍曾拋却，何用樓頭看斗牛。

泉石清閒寄舊莊，怡情多半在壺觴。
問名也自稱聾叟，違俗從伊號癡王。
冷到江楓餘瘦骨，澹如籬菊傲時粧。
更安懶拙時緘口，恥學人言巧似簧。

澹盡襟懷水一川，炎涼早已渺雲煙。
晝摹倪癡無多墨，琴仿陶家不蓄絃。
紅稻香餘炊玉粒，紫萸酒熟泛金船。
塵心已喜經湔滌，不學逃禪便學仙。

祝張母六十節壽

山嶽鍾秀靈，不必盡奇士。
緬彼閨閣姿，芳名炳彤史。
張

母太邱裔父仕宰漳水隨父冰暑來及笄父旋逝雙眼
淚未乾夫病滯江沚中途喪所天哀痛不能止豈畏殉
重泉誰復撫遺子有子母宜生母生父不死況有白髮
姑十指奉甘旨孝慈獲兩全大節無逾此鳩杖忽已頽
觴進仙霞紫瑤池雪藕駢一泓澄清泚

落花二首和朱笠亭進士

瞥眼繁華瞥眼空春光何事去匆匆千卣如幄連酣綠
幾點依林祇剩紅燕子樓荒銷夜雨馬嵬坡冷怨東風
可堪愧我同才盡枯管濡毫賦惱公

一尊婪尾亂紅飛徙倚亭臯對晚暉流水溪橋魚啗影
送春院落客粘衣塵埋國色香猶在寵罷金鈴事已非

獨有營巢雙燕子多情銜向畫梁歸

昇山憶王逸少

石磴盤紆路屈曲小橋野店循山麓振衣雖非千仞岡
昇椒頗足騁游目萬斛風帆來頓塘千家煙樹圍平陸
緬懷當年王右軍平生雅志在巖谷搢笻携酒迤邐來
聯輿賓僚相追逐風流跌宕俯仰間形骸放浪友樵牧
去今遙遙千百年高風令人猶往復低徊幾度訪遺踪
滿徑松風吹謾謾

新綠和張松庵

春回南浦水淪漣眾綠初生動客憐嫩茁千林含雨潤
碧抽三徑占花先上階尙惜苔痕淺染袂應思柳汁鮮

采采那堪盈一掬萬山螺翠映晴天

秋懷三首次鹽官馬縉雲韻

戢羽江邨幾度秋疎狂未許入時流棲遲縱異無依鵲
漂泊仍同不繫舟霜冷慣侵孤客館月明曾照口家樓
笑余詞賦難諧俗嬾逐鄒枚橐筆遊

何處林塘逗好秋蕭蕭木脫委寒流誰知椽竹堪裁笛
漫說坳堂可泛舟十載空磨雷煥劍一羶猶寄仲宣樓
何如口口南來雁菰米年年慰舊遊
西風蕭瑟不勝秋歲月如斯感逝流醫俗空傳三世藥
忘機難覓五湖舟白蘋江冷沉漁笛黃葉聲多近客樓
嘆我頭顱漸欲老羈棲敢說向禽遊

橫山暮嵐

碧湖夾岸山繚繞橫山合沓青窈窕白日忽下行人稀
暮色莽蒼半杳渺松陰滿徑來歸僧山邨寂歷炊煙裊
一聲清磬寺門閉初月如鉤上木杪峯迴路轉雲濛濛
隔浦漁燈如豆小陰晴倏忽景萬千繪圖安得王孫趙
種花
分得名葩手自栽細培軟土護蒼苔公家不索花田稅
得吏何愁如虎來

春寒偶感

料峭餘寒感慨增孤懷只仗酒三升誰家燕子依王謝
何處桃花是武陵禊節將過天尙雪

二月廿八日
極寒雨雪

東風

無力水猶冰小窗鎮日惟枯坐一點春光探未曾

次訓吳藕村

季重蜚聲遠風流更屬君一家名父子瀟灑出塵氛
賸喜聯今雨何愁隔暮雲瑤箋頻貺我健筆舉龍文

偶成

風物清和麥已秋禁蠶天氣罷清遊午窗夢醒茶初熟
花外東風叫栗留

次韻答秋霞盧丈

自笑虞翻諧俗難此身匏繫五湖干恥隨流水頻浮梗
不厭孤芳每蒞蘭畫虎年華愁裏過籠鶯世態醉中看
先生獨枉瑤箋贈讀罷潛同黍谷寒

山子詩鈔卷八

寶應日紫林生

一

山子詩鈔卷九

裘庄筭岳方 燾著

榆餘集

起庚戌訖甲寅計古今體詩共一百四十六首

三高祠

溶溶釣雪灘一鏡涵清影地據古松陵幽曠等箕頴上
有三高祠令名千載炳少伯謀沼吳功成塵慮屏敝屣
脫軒冕一舸凌萬頃西晉老步兵秋風發深省蓴鱸寄
遐思歸隱九峯嶺卓哉陸散人一葉乘釣艇煙波傲王
侯船尾挂笭箬異代有同調明哲夙共秉我登垂虹亭
湖山餘清景盤桓讀殘碑月映梅花冷

晚秋渡石湖

楞伽山外片帆孤
瑟瑟西風渡石湖
文穆古祠何處是

湖上有范石湖祠

寒煙落日滿平蕪

小憇幻公山房

曲徑隱竹扉
窈然入虛靜
幽砌花吐香
空庭樹交影
地僻人踪稀
水遶牕戶冷
世緣喜已消
禪悅覺初領
松風謾謾來
瓦鼎烹新茗

寫畫卽題

蜿蜒環羣山
此境殊幽邃
佛宇界紫虛
人家隱蒼翠
樹陰靜欲流
巖石危如墜
岑寂遊屐稀
山色自呈媚

柳絮四首次吳桐村比部韻與皇甫秋麋同作

去住無端不自持
年年飄蕩暮春時
糝來花徑輕於粉

撲入湘簾軟似絲滿店東風粘袂暖一隄殘照墮溪遲
離亭回首偏撩亂羌笛聲聲向晚吹

子規聲裏望漫漫萬點網緼滾作團陌上悠揚風一縷
枝間搖曳日三竿官貧不給寒還擁春暝渾疑雪未殘
觸緒亦慚才思盡愁絲脉脉獨凭欄

踈地長條更短條昨朝纔過雨瀟瀟濛濛灞岸迷征騎
漠漠蕪城逐暮潮張幄乍驚酣綠繞沿流半雜落紅漂
漸看散漫旗亭路畫舫歌樓並闕寥

長空舒卷自悠然占斷微和二月天新水平橋閒點綴
晚風官渡最纏綿慣憑狂態侵華鬢尙戀餘春到別筵
歸去錦帆消息遠隋隄滾滾入殘烟

野步

四月清和野趣長，風微度處麥芒涼。我來已領田家味，

過隴頻聞餅餌香。

蘇詩麥隴風吹餅餌香

御書閣

宋高宗南渡過此留道君畫鷹一幅并書清風明月四大字僧建閣貯之因名其閣

曰御書閣在明義庵中

傑閣連雲屢却復，隱曲徑寂歷如巖阿。市聲絕清聽我，行迤邐來小憇。愜閒興忽憶南渡時，駐蹕來萬乘畫鷹。疑解揚風月字留贈，寺僧慎護藏金碧。相輝映遙遙數百年去，留竟何定零落委兵燹。人事迭變更倚闌發慨，歎竹房敲清磬。

題畫

江上青山何處林間白屋誰家十里橫塘寂寞一帆秋水欹斜

咏竹夫人同沈似齋作二首

寵錫無端到竹林娟娟靜好絕塵侵幽貞豈必甘同夢
反覆何嫌有二心夜帳炎消應睡足午牕涼動似秋深
由來風格原高潔肯向粧樓一誨淫

晷影當牕烘午晴追涼倩汝愜幽情空牀陸叟新徵聘
小簟王生舊有盟帷幕却能持勁節褒揚自合予嘉名
獨憐命薄多倻憊祇恐秋飈入夜驚

何處堪消夏十首用元微之春生詩韻

何處堪消夏銷來疊嶂中泉飛千尺雪松響萬山風林

密雲交覆巖深凍不融笑他狂太白底事說蠶叢
何處堪消夏銷來大澤中江空平似練岸濶總生風挂
席疑天漢憑虛退祝融縱當三伏裏秋意滿蘆叢
何處堪消夏消來水榭中座分鷗鷺席戶納芰荷風足
底波流急簾前嵐氣融晶宮差髣髴幽絕隔塵叢
何處堪消夏銷來竹徑中千竿環翠幄六月有秋風蒼
雪沾衣冷幽香帶露融此君真我友繞砌喜成叢
何處堪消夏銷來梵宇中香林花散雨粥鼓午生風聽
講塵緣淨參禪道蘊融梅檀垂美蔭却勝蕙蘭叢
何處堪消夏銷來漁浦中鷓鴣殘照岸楊柳晚塘風煙
笛山前聽炎氛雨際融孰知涼世界只在水雲叢

何處堪消夏銷來佳話中談經揚子宅捉麈晉人風似
水情懷澹如蘭臭味融詼諧忘日夕涼月上花叢
何處堪消夏消來午睡中半簾修竹影一枕北牕風夢
侶羲皇舊膚痕筦簟融容子攤飴好儘教豁愁叢
何處堪消夏消來玉軫中絃間瀉石榴指下起松風協
律音元古移情趣自融歎欽遺韻在相賞絕凡叢
何處堪消夏消來杯酒中腸寬真似海香遠不因風勝
舉追河朔豪情慕孔融醉鄉無熱惱鯨飲入仙叢

太湖秋興和施梅亭

荻花楓葉滿晴湖粧點秋容宛畫圖落木望邊雙嶺淨
夕陽天際片帆孤筆牀茶竈懷高隱荷屋鱗堂賽聖姑

聖姑廟在龜頭山晉王彪女得道民以
靈而祀之或云姑姓李氏見具區志我欲拏舟乘月
泛一聲鐵笛坐冰壺

畫扇卽題

羣峯如連螯蜿蜒盤絕境獨有支公居突兀踞峯頂高
踪到已稀凡俗何由騁松風捲閒雲石路落清影山迴
忽平曠岑寂開幽景徑曲小橋通林深塵壒屏就破屋
數椽遶檻波千頃中有倚樓人煙霞日靜領

中秋與諸同人登延爽樓玩月

蓮漏頻催秋夜短清尊銀燭開高館酒酣與客上層樓
一輪月到天心滿碧空雲淨清光浮桂香馥郁風颼颼
珠簾高捲快雙眸飄然如登海上洲却視人世真蜉蝣

登高賦詩客迭和斛愁掃盡壺擊破須臾詩成酒力醒
乘興洗盞更促坐吁嗟乎昨宵風雨今宵月此宵此月
豈偶得何人不愧樓頭客

春晚卽事和潘勵齋

晷影遲遲映畫櫳惜春人倚曲欄紅連雲濃樹千家雨
委地殘花一笛風瓦竈生香焙早莛菊苗分種課奚童
溪頭更喜添新漲且駕扁舟下釣筒

秋晚卽事又和

剝啄人稀晝掩關秋深風物亦清閒無多晚艷留紅樹
絕少機心對白鷗梧雨霽時寥宇淨煙光凝處暮山殷
一樽桑落新莠好暫借餘酣渥瘦顏

秋海棠四首和徐芷堂先生

芷堂司馬寓居京邸出秋海棠詩四律索和一
時韻事流播都門繼官於蜀復自和四章廣徵
和什和者不下數百家詩千餘首遂合前後編
爲三集以付剞劂并繪二圖歲辛亥余於友人
案頭曾讀全編遂次和之

籬根石罅逗秋光
違却芳時暗自傷
伊昔鶯花春似海
祇今蛩砌月如霜
冶容依約留人面
冷艷淒其惱客腸
一樣稱名偏晚出
蕭蕭叢菊伴溪堂

翠雲爲護石爲裝
書帶堂前伴筆牀
曲徑雨過紅淚濕
小欄風細綠衣涼
漫勞畫史傳幽照
偏付吟翁搗硬黃

最是玉臺多好句後先迭和寫愁長

風敲銀蒜韻丁當開徧欄杆九曲廊舞態輕盈同趙后
黛痕深淺憶瑩娘泥人未免留酸氣鬪艷誰堪列輩行
蟋蟀階前梧井畔嫣然點綴一庭芳

曾從亭北媚明皇此日卑棲傍荔牆簾外午晴微有暈
燈前人靜亦含香登巢無復開酣飲燒燭誰猶照麗粧
寂寞空庭人遠去離愁脉脉斛難量

聽泉圖照

野泉漱石齒屈曲循山磴泠泠松陰間幽響滿清聽中
有激流人云是谷口鄭倚樹澹忘機象外適孤興不爲
洗耳謀已覺塵氛淨胸次何高曠悠然任吾性

過蓮花莊書帶草堂贈主人

吳興山水古佳麗，蓮莊別饒林泉趣。清幽曠遠畫不如，

聞是當年松雪第。卜築搗來桃椎仙，皤皤鶴髮桃花顏。

翛然高寄繼前躅，鶴巢選閣相追攀。鶴巢選閣皆松雪所築平泉

綠野俱陳迹，茲乃獨占煙霞席。蘿軒曉挹道峯青，湘簾

低捲月湖碧。蓮花瘦石矗玲瓏，古柏虬枝散清樾。蓮花峯古

柏並松草堂舊額香光書。書帶草堂四字係董思白手書壁閒碑版龍

蛇蟄。壁閒嵌前賢石刻數方我昔懷想今過從，置身恍在深山中。

坐談終日不欲去，勝賞一一開心胸。請君爲我闢三徑，

容我日來遂清興。一掃斛愁塵夢醒。

夏日雜興

桃笙卧起晚風涼竹影橫
隲水芰香煮茗近傳桑苧技
松爐玉盃碾旗槍

小窗寂寂頗幽閒
罕有人通晝閉關
果腹自慙無一事
朝朝染翰寫青山

雙扉接水柳陰遮
暑氣全降興不賒
一局楸枰花蔭午
晶梓婢進綠沉瓜

過畝邱有感

昔年觴詠地今我復何來
漁社空流水吳蓼圃開五湖漁社姜海樵主

盟詩亦付梓今燬吳羹付劫灰茅湘客選刻絮吳羹詩今板亦燬竹寒淒作雨

池涸冷生苔太息應劉逝謂茅姜二人爲誰花徑開

自題停車圖照

人競愛春華畫輪碾芳甸我本冷落人時榮非所羨春
華豈不妍柔脆易遷變秋乃清氣來爽籟時拍面泉聲
倍清冷山骨特峭蒨更愛楓樹林耐寒經霜霰歲晚葉
逾妍木老骨自鍊豈同三春花只解媚鶯燕我行迤邐
來入望輒驚眩停車坐石觀意愜幾忘倦因倩繪爲圖
讀書抵讀傳莫嫌秋容淡老樹留餘綯

古音庵看梅

偶從野廟探春來墻角何年剩老梅一片寒香誰解領
春陰漠漠冷荒苔

曉晴

旭日照檐端庭際雨初歇石徑長苔痕花影卧深碧

夜坐

夜闌萬籟靜趣向靜中得吟罷起推牕梅梢挂明月

咏蘭

羨爾能高隱何妨寄跡深久甘空谷卧殊有白雲心植
榦依磁斗知音在玉琴翛然塵壒外寂寂籠春陰

二月七日過虎邱僧舍牡丹盛開和嚴南茹韻

未甘婪尾殿春華金縷迎風早作花虎阜山頭開士宅

幾回錯認馬塍家

西湖志餘馬塍藝花往往發非時之品王漁洋詩馬塍曾說野人家

不須羯鼓響頻催百五偏先花誕開

牡丹一名百五花謂其立春後一百

五日始開也王方若詩誰教百五報春先聽得尋芳游騎語昨剛元墓看梅

來

齋中賞牡丹賦二絕句

微和風扇雨如酥，開徧庭前好鼠姑。
忽報高陽來舊侶，擘箋分詠醉醍醐。

時董柳堂吳芷塘適至

鞞紅歐碧競稱珍，品貴由來寡等倫。
爲語座間須暢飲，此花開後更無春。

暮春和韻

餘寒料峭嫩晴天，春事闌珊又一年。
婪尾尊前花似雨，子規聲裏草如煙。
過多好景誰曾會，剩有殘香我獨憐。
且向賓筵拚一醉，不教容易到愁邊。

夾竹桃

十六韻
得花字

似竹頻抽榦如桃，早茁芽一枝開。
特麗兩美合堪誇，儘

有蕭騷意偏多爛漫花葉分嶰谷翠妍奪武陵華灼灼
兼清韻猗猗雜綺葩淡濃誠互勝素絢乃交加錦浪侵
簾潤涼雲繞砌斜迎風敲綠玉含雨燦紅霞已擅柔姿
媚還繞勁節嘉纘紛依露井瀟灑拂臆紗應傍高人屋
宜栽帝子家招涼同菡萏色壓山茶不乞東皇寵非
矜北牖遮豈充裁笛具誤引捕魚艇棲或虛么鳳簪曾
助鬢鴉奇芳生 盛世被澤洵無涯

初夏田園雜興與諸同人賦

土墻一帶板橋西屋角桑陰接豆畦樹裏煙生青縷縷
飴香風散午雞啼

江村四月樹葱蘢租稅停時官篆封催索不來如虎吏

絲蕪門巷卧烏龍

茗溪東下水頻增拍岸
汙汙綠幾層贏得銀刀風味好
夕陽渡口散魚罾

滿樹羅紋映遠空

東坡詩羅紋滿樹滴深青

條桑小婦手携籠欲憑

粧束徵佳兆姊妹花簪兩鬢紅

馬頭祭罷浴紅蠶風俗由來禁例嚴
生客不嫌當戶拒

家家簷下挂筠簾

生客見東坡志林

蛙聲閣閣水盈窪種得甜瓜又紫瓜

煬帝改名茄子謂崑崙紫瓜見芝田

錄只恐人過佯納履細編麂眼插籬笆

沿堤柳色翠痕饒幾畝池潭過小橋
剩喜水田生計好
紅菱種罷又魚苗

不慕肥鮮不識丁
蒸藜炊黍有微馨
田家風景看來徧
勝讀神農耒耜經

過洽溪法忍寺訪畫師丁也山

爲訪林泉侶來過
釋子宮淪泉童煮茗揮塵客談空
理悟三乘外情移六法中
興闌纔返棹趁晚納溪風

庭前新竹與董柳堂李生筠谷賦

玉砌新栽竹娟娟繞小庭
箬包含粉淨枝亞襯苔青
涼蔭差堪借清音乍可聽
此君殊不俗伫看展修翎
一簇碧琅玕瀟瀟漸拂肩
捎雲原有待持節却先堅
枝未勝鸞集詩還禁客鑿
栽培須努力繼長看年年

消夏雜興與諸同人賦

莽盃吟瓢斗室間北牕風細不須關年來對客長科跣
孀學嵇康禮數刪

櫻鞋桐帽芰荷衣稱我翛然此息機已分屏居愁觸熱
不教襪襪叩林扉

雨餘斐几一塵無詩畫生涯興不孤吟罷便教濃潑墨
解衣快寫北風圖

綠槐牕外午陰多一枕青奴午已過洗去塵心今十載
自無幽夢到南柯

偶立溪頭趁晚涼披襟風帶水芝香盤陀小憇聞漁唱
一曲滄浪隔綠楊

園林清曠野人居疊石爲山水一渠分得濠梁餘興在

盆池時復看紅魚

薄醉風前酒一升興來坦腹坐荷亭
漁舸過盡波如鏡閒看溪雲縷縷青

半榻松風斷俗緣殘書讀罷愛談禪
好從空色參三昧且傍支公寄一塵

瘦于野鶴澹于僧坐對青山翠幾層
世事已灰心上火不知六月有炎蒸

逃暑須憑韻事探時招勝侶共清談
題詩爲報論文友花下曾開蔣徑三

盆荷和柳堂韻

一片霞蒸十里紅曾經飽玩五湖東
祇今寂寂盆池裏

那復香吹面面風

送吳芷塘赴黔中幕

延陵才調最風流，萬里黔南挾策遊。
帆入空濛鄉樹遠，鷗盤寥廓海天秋。
囊琴重洽鄒枚隊，擊楫先登李郭舟。
不爲玉屏山色好，欲從幕府覓封侯。

四時漁父詞

用張志和體

雨笠煙蓑湖上艇，陂塘水暖長魚蝦。
山縹緲，路紆斜，桃花谿口是余家。

綠樹磯頭涼蔭多，紅塵不到水雲坡。
吹短笛，和高歌，菱荷香裏晚來過。

瓜皮艇子挂苓箬，疎柳西風水氣腥。
衝鷺序，過鷗汀，一

聲欵乃暮山青

雪滿寒江獵獵風晚來吹火荻花中湘水曲洞庭東酒
酣倚櫂數飛鴻

輓沈庚三

造物何忌才往往虐美士美士文行優邁禍適由此我
友東陽裔八詠著姓氏趨庭誰最良白眉數季子英靈
厚所鍾風儀特秀峙嗜學恆忘勞漁獵窮經史一燈漏
已闌跪讀屈雙趾讀書至夜深欲
睡每跪讀不輟孝友更夙敦溫恭洽
閭里貴賤形兩忘推恩及僕婢方當三九年名久挂人
齒有才宜見伸作善應受祉孰知天不仁霜風委蘭蓀
甫獲青其衿旋見遭屯否燈火暗書帷塵璫掩牕几篤

行與鴻才一朝付流水吁嗟人雖徂稱譽尙不已修短
安足論窮達亦偶耳但貴名長存名存人不死寄語白
頭翁西河淚可止

又絕句六首

家世吳興嗣隱侯腰圍頰減尙吟謳可堪戰罷名塲後

天上旋徵記玉樓

時省試甫歸遂病故

緇帙叢殘蠹跡封西牕闌寂夜方中琅琅跪讀人何在

無復燈光一穗紅

雅展風詩誦鶴鴿相期共守舊門庭阿兄試檢曩時札

一紙緘題血尙腥

時遊學在外聞兄不循本分嚙指血書寄兄以勸之

永訣愁聽六脉無

六脉俱無兒不起矣將終時對父語

即當遽向夜臺徂

可堪母病才踰日尙倚風簾煮藥爐

時其母方病前二日庚三尙煮藥奉

母

衝寒夜纜虎林船昏黑城河畧約邊拯父應知兒命賤

不辭赤足踏冰淵

曾隨父往省泊舟城河萬安橋黑夜冰滑父失足墮水庚三躍入河中呼

救得

免

空傳賦筆叶宮商

沈光有洞庭樂賦章岫曰此乃一片宮商

玉樹長埋志未

償最是雙親腸欲斷雪簪兩鬢淚千行

聞雁

得聞字

忽傳嘹唳度高旻肅肅南征雁一羣憐汝直從天外至
感余每向客中聞荒江月白沉寒影孤館霜嚴入夜分
何處水多菰米熟空摹古籀篆秋雲

畫扇卽題

山徑桃花紅滿林，風光不減武陵春。
杖藜不子橋邊客，可是秦時避世人。

藝菊

得南字

一弓小拓竹窗南，麕眼新編徑有三。
僻愛直教追靖節，幽居差可比羅含。
李義山詩羅含黃菊宅標名雅倩牙牌記，評品還從范譜參。
蒔也何妨真若子，花時與客好同探。

訪菊

得然字

秋容淡盡最幽妍，與我平生有勝緣。
野約短籬村外屐，夕陽疎柳水邊船。
相思何處仍三徑，此日逢君又一年。
欲插滿頭慚小杜，近來雙鬢已皤然。

題曹翔青照

小憇盤陀足靜觀虬松磊砢竹團圞賞音未遇閒焦尾
肯向聾人一浪彈

與潘鐵峯夜話

徑僻殊寥闕索居愁難降忽喜舊友來相將話寒臆屈
指違十年各驚霜眉龐坐深漏已永玉蟲燦銀釭涼月
冷薄帷西風嗥餓龍飲興遂欲發凍醅撥春缸

讀陶判花由庚集

迢迢劔閣萬山間策馬寧辭蜀道難煙水一鞭雲兩袖
飽收名蹟付毫端

魯壁殘經費校讐豪情更復事吟謳羊曇剩有遺編在

萬里蠶叢非浪遊

淡巴菰同吳瘦人作

姚旅露書呂宋國有草名淡巴菰

藥隴秋高葉乍黃絲絲擘縷重奈糖

地名浦城奈糖烟草之以地得名者

神農失載空嘗草馬氏分移始著方

烟草創自漳州馬氏漸傳至九邊

筠管香生縈篆細桃笙卧起引思長羨他不獨消煙瘴

本草烟草温辛凡冒烟嵐瘴霧其氣入口卽消

嘉茗醕醪是輩行

厲太鴻樊榭山房集煙草

神農經不載出于明季自閩海外之呂宋國移植中土名淡巴菰又名相思草

五人墓次韻

青楓冷秋煙落日山塘路剝落三尺碑纍纍五人墓憶昔忠介公禍遭貂璫忤緹騎來金閭短衣出就捕干掀捍黨魁就義起寒素抔土骨猶香颯颯英風度卓哉真

人豪附炎愧紈綺我來胥水游低徊有餘慕恨無杯酒
酌恐犯山靈怒

消寒雜興同董柳堂作

風色淒迷勁折綿同雲冪厯晚來天霏霏忽下山陰雪
一櫂旋開訪戴船

卯酒三杯渥瘦顏趁逢新霽擬躋攀且穿東郭先生履
去踏江南雪後山

朔風禿樹噪晴鴉寥寂村莊夕照斜却喜衝寒山意好
跨驢準擬問梅花

枯坐寒牕一病夫玉樓凍合粟生膚由來最恥因人熱
自撥牀頭楮袖爐

大雪作歌

一冬晴暝無霜風梅花破蕾春融融黃紬衾暖夜睡濃

元結詩黃紬衾暖紙窗明晨起紙窗日曛隴墨池香動有無中手弄

柔翰曲欄東一日慘澹雲雩雩忽焉玉戲勞龍公

蘇詩龍公

試手初行雪初猶刁騷雨濛濛旋飛六出縈簾櫳頃刻沒階

玉玲瓏千樹萬樹梨花同松欹竹折少人踪舟膠浦凍

斷漁篷軀體僵坐氣不雄祛冷頻溫獸炭紅

昭明錦帶書溫獸炭

而祛透心之冷瓶笙煮茗命青童甕頭還潑琥珀醲乘興劇飲

如渴虹酣餘一覽天地空

盃戲

手弄冰瓷等彈丸依然妙技舞杯盤

晉書樂志杯盤舞按太康中天下爲

晉世寧舞矜手以接反覆之此則漢世惟有槃舞而凌
晉加之以杯也按今弄盃戲卽古杯槃舞之遺法也
空廳舉風輪捷不數銀貂小契丹
范致能詞休舞
銀貂小契丹

癸丑暮春

集蘭亭

歲序春云暮隨時一快游羣山抱曲水修竹映清流地
靜懷因暢風和情亦幽蘭亭今已矣契合慨無由

觀漲同金鶴灘董柳堂李生筠谷作

得觀字

洪波淼淼縱遐觀溪澗俄添數尺寬到處蛟螭騰巨壑
有誰砥柱障狂瀾靄深郊墅千村暝氣接空濛五月寒
最是桔槔喧兩岸老農日午腹無餐

鶉鳩聲裏望瀾漫無限蒼涼眼倦觀野外石梁欹斷岸
溪頭水殿沒危欄築隄屢切崩湍警歸海還愁勇退難

天目何堪猶怒發飛泉滾滾下層巒

賦得眼鏡

得明字十六韻

西域傳佳製

稗史類編少嘗聞貴人有眼鏡出西海中虜人得而製之以遺中國又霍都司有眼

鏡質如琉璃用骨鑲成折疊而可開合者謂在甘肅夷人貢至而得瑩然助眼明映空連

璧美視遠一泓清薄似春冰潔圓疑夜月盈澄輝珠吐

暈結彩玉含英玷淨逾雲母芒寒耀水晶熒熒銀海炯

道家以目為銀海漾漾碧波平螢案光增朗蠅頭字顯呈看應

無霧隔

杜詩老年花似霧中看

眩豈患花生

蘇詩光搖銀海眩生花

絕勝金

鏡貴

涅榮經有盲人詣良鑿以金鏡刮其眼膜

曾標黻黻名

名物通黻黻大如錢形質

明而透色如雲母用作眼鏡

庶物異

皎分藜火射珍

欲漆奩盛

晉東宮舊事太子納妃有着衣大鏡銀花小鏡並衣鈕百副漆奩盛蓋

遂覺蒙

全釋從教目不盲矣憂疲屢照洵足快雙睛開闔靈樞
運昭融爽氣迎離婁眸益瞭涉正視尤精神仙傳涉正
字元真漢時
人莫有見其開目時一開
目有音如霹靂光如電照筠笈携誠便縹囊佩更輕校
書蓮漏永仗爾伴燈檠

賦得鶴鳴九皋 得皋字

矯矯青田鶴長鳴振羽毛修翎呈皓質清唳落晴皋性
警音彌遠秋空韻獨高引吭驚草露遺響雜松濤夜半
風生壑淮南子鶴
知夜半山幽月在濠雲霄看奮翮不復戀蓬

蒿

黃荷花四首與汪笠人金鶴灘陳吟懷同和松陵

周香亭元韻

九疑仙植越尋常出水亭亭散麝黃作座恰符菩薩面
塗鴉似學漢宮粧金風早度香逾遠羃瓣猶含夜未央
好展松花箋一幅澹描沒骨倩徐郎

雕飾全除本異常況饒瑞采壓槐黃紅衣盡洗超凡品
檀暈微凝薄艷粧覆鼎雲籠天晚晚生塵襪步水中央
仙葩亦擅姚家色貌似休教誇六郎

傅粉施朱總蹈常饒他獨占冶蕋黃月流金液宵添媚
露膩蛾痕曉試粧彙作衣裳應叶吉探來蜂蝶洵無央
后山詩蜂臨流合泛鷺兒酒酣飲還招孟十郎

風致天然色倍常凌波伴有荇花黃半江殘照烘嬌額
一片細雲倚淺粧桂棹人歌時嫋嫋杏衫女采並央央

若教結社寧輸白好約陶公與謝郎

荻塘舟次

一水斜陽晚寒塘繫短艇地荒棲鳥冷楓老受霜多煙
外明漁火風前聽榜歌孤懷愁不寐數問夜如何

出獵圖爲李生右崑題

丈夫讀書萬卷窮雕鏤胸盤星斗握琳瑯翩翩挾策干
諸侯金鞍寶鐙玉躡騮綠楊紅杏長安遊追隨鸚鵡之
班鸞鳳儔不爾學書不成去學劒手挽六鈞腰插箭金
戈奮揚爲鸞鶴狼虎逖逃狐兔竄如此號爲偉丈夫除
却難免世所賤子今二八正少年應從文囿猛着鞭鵬
盤鶚舉思高騫振衣欲上千仞巔何爲田獵事游佚身

挾飛騎誇慄疾吳鈎畫戟列長雲白馬青驄驕落日控
弦風急響琯弓僕姑仰射豎方瞳文鶻錦雞馬前墮平
蕪血灑桃花紅魚僇獵犬忽怒走捕獐逐鹿穿林藪黃
埃滾滾山岳崩烟光莽蒼天昏黝凌巉巖踐躡丸不徒
足底伏危機陡覺文心掃何有不見古人虎可繡鳳可
吐龍可屠學成文陣雄師敵萬夫麒麟筆健掃罷駑

東阡夜泊

月黑風怒號弭檝傍村岸高樹鼓喧厖驚浪轉湍悍擁
衾但枯坐聽漏夜過半人事多阻撓客路無成算輾轉
不成眠迢迢何時旦

爲金鶴灘作抱琴圖小幅卽題

洗盡箏笛耳獨携朱絲琴知音非易得不惜入山深

菊花九首用高青邱梅花詩韻同金鶴灘作

素秋佳色記銀臺闕地爲園取次栽艷冷但留青女伴

羅隱詩一樽空恰遇白衣來叢叢移檻依書幌一分

生青女霜盆襯野苔風雨滿城重九近縱無人賞亦終開

風格翛然儼欲仙但隨處士結深緣敝廬人靜饒孤韻

荒徑秋深帶暮煙獨殿周傷羣卉後旋舒顏色小春前

洵知元亮東籬種絕遠游氛別有天

陶詩露凝無游氛

冷黃澹白滿枝頭曉色凝寒露未收與我有情堪插鬢

訪君祇酒可隨舟束來應佐彭龔術

魏文帝與鍾繇書謹奉一束以佐彭

祖之術殘後猶消庾信愁

庾信詩開

路隔朱門甘淡泊

于若

瀛詩只宜處士家不種朱門下肯容熱客一嬉遊

秋陰漠漠冷花痕
恥向春陽乞暫溫
細雨淒風貞晚節
疎籬矮屋隱深村
瘦枝合伴孤松徑
清影微參淡月魂
寂寂倘無陶令采
何妨鎮日閉柴門

小占幽棲半畝宮
柴桑徑僻罕人通
三秋爽氣收應盡
萬種繁華掃欲空
晚出偏超諸品上
佳名曾隸楚騷中
卓然孤立誰堪匹
湘水芳聯九畹叢

瀟灑由來本絕塵
祇今酷愛果何人
逢時豈敢傷遲暮
耐久還當待好春

宋人詩黃菊開遲待好春

極意培根經歲永
多方

乞種署名頻
牙牌標列蕉窗畔
一味清癯似古真

一從硯北靜相依
天與幽貞吐素輝
簾捲西風如我瘦

運李易安詞

香招晚蜨帶愁飛

運東坡詩

品高自合容偏淡身隱

何嫌客到稀遲爾落英和露拾夕餐收得幾枝歸

甘泉分馥憶南陽久擅聲名酈水鄉酒醴釀餘齡可制

陶詩菊解制類齡

枕函貯去夢猶香

史正志敘菊囊可以飲

服供風

子傳仙訣

神仙傳康風子服甘菊柏實得仙

飢作餒糧補歲荒

左思詩秋菊兼

餒知是花中真傑出疑寒獨傲九秋霜

清名疑亦畏人知僻向荒畦挺幾枝影落籬邊空自照

香於冷處最堪思傲惟梅似寧諧俗澹與人同不入時

剩有嗔情催未了

元人詩黃菊一燈叢畔夜敲詩

元人詩最

好叢邊夜讀書

昆山溪夜渡

木末斂餘曦暮色寒溪流山椒月初上流光照孤舟佛
火明山寺更柝起荒陬何處柳惺臺不獲一尋幽如聞
讀書聲松風吹颺颺森森碧波間一舸任夷猶蓬窗夜
深坐霜色冷做裘

癸丑除夕

冉冉流光忽又更愁隨年長迭相侵文惟覆甌空頽筆
突屢無煙欲典琴雪壓短檐喧餓雀梅橫疎影照清潄
貧家風味由來慣敢笑囊慳壓歲金

昇山舟次

愛覽歐餘勝春風繫短槎一村家縛屨兩岸戶撈蝦綠
水當門繞青帘傍柳斜登臨王逸少千古擅清華

竹影和韻

重重掠影小欄東，絕勝文家畫筆工。
滿徑碧雲花樹外，一庭秋意月明中。
鋪來蒼翠階方淨，繪出瀟湘色又空。
撩亂那堪頻掃迹，漫勞習習扇清風。

謁孫太初墓

斷碣荒苔蝕名山，處士墳一瓢深遁跡。
五隱昔聯羣人，與劉麟龍竟吳疏陸崑四人結爲詩社號茗溪五隱
骨合理青嶂，魂猶伴白雲道場。
松柏路寂寂澹斜曛。

白雀寺同董柳堂作

幽絕青蓮境，迴環積翠重。
五湖天際水，十里寺前松。
古

殿餘焦土

正殿時燬于火

滄洲沒舊踪

殿有宋初陽山水畫壁十一堵今燬
徘徊

慨未已雲外一聲鐘

賦得孚甲新意

限新字

庶彙爭孚甲欣欣及令辰望邊芳意滿到處物華新迎
煖乘機迅含生得氣勻草抽千縷翠花坼萬山春碧蓄
萌猶弱香苞吐欲頻昭蘇原有象長養荷陶鈞

擬東坡峴山詩四首

限亭字
通韻

天氣喜清美鼓枻出郊坰碧湖波澹沱好風吹泠泠弭
棹繫迴塘理策登山亭攀确石徑幽竹樹蔭巖扃人靜
林鳥囀雨餘山花春物我幾兩忘悠然陶嘉辰

吳興富山水茲山最瓏玲雖祇一拳小蜿蜒環翠屏落
英媚幽壑松風滿清聽孤塔望邊出遠帆鳥外冥雲煙

儵變幻萬狀難具陳山原不在高景勝地以靈
選勝興不極流覽緬前型窪尊飲何劇逸老德猶馨高
風足千古掌故勞山民我來肆幽討澗芳襲衣巾俯仰
愜襟懷泉石資清真應謀結一廬日與煙霞親
野色帶歸牧喬柯棲倦翎回望城郭間萬瓦炊煙青微
雲映空水薄靄凝修筠寺鐘隔雲外隱隱催歸人迤邐
下仄磴捨策復揚舲白日忽欲墮漁歌起遙汀

逸老堂修禊四首

得修字

上日晴和載酒遊堂開逸老集盟鷗不教西晉傳佳話
與客同將禊事修

芳草東風叫栗留嬉春招我到林邱飛觴大有蘭亭興

下若香浮碧玉甌

樹裏湖光漾碧流
石窩盤曲占清幽
酣餘鳳紙分題詠
清遠溪山筆底收

嵐光新霽翠痕浮
竹韻頻敲松蔭稠
莫問祓除曾也未
歡遊已遣一春愁

憇歸雲庵挂瓢堂
閱明人書畫卷并李使君肯葺
戴笠圖小像

平生慕閒靜游歷半佛屋
况茲歸雲庵幽絕嵌山腹
憶昔孫山人嘉遯此棲託
挂瓢置草堂題額倩少谷
我來春未闌澗芳吐幽馥
竹樹掩巖扉牕戶靄深綠
同彼無事朋憇坐愜幽獨
寺僧頗解人書畫出錦軸
晴窗拂拭

看古光欲奪目恍入五都市斑駁堆犀玉書法盡鍾王
畫筆追顧陸龍蛇勢盤拏雲嵐氣磅礴座客深咨嗟摩
挲看不足昔年李使君捐俸善裝束裹以黃金繒藏以
玳瑁積厯今卅年餘光采猶炳煜更觀戴笠圖卓哉吳
興牧風流繼鄴侯題贈詩累幅俄焉聞梵音佛香縈簡
牘夕陽下崇崗暝煙生叢竹白雲歸霏霏松風吹謾謾
幽襟絕塵想欲去仍三復擬借一椽居時把楞伽讀

亭角尋詩圖爲沈似齋題照

氤氳春風晴吹綻梅一樹逗漏天地心誰解參真悟東
陽沈隱侯覓句偶散步疎枝足靜觀幽香適暗度吟懷
覺頓開珠玉隨傾吐如彼東閣叟興動詩日賦因繪圖

一幘高情托毫素卓立面空亭豈與凡俗互寄我展玩
時恍若當把晤紙上清芬生題罷有餘慕

吳江夜泊懷錢葆霞楊笠鷗

向晚泊垂虹涼迴水面風橋門連岸暝螢影掠波紅寂
寂人方靜迢迢夜正中良朋僅咫尺無復一樽同

鄭西溪招飲桂花廳賞桂

碧雲如洗晚涼天金粟香浮畫檻前雅集應開花下席

酣呼恰合飲中仙

時在座
八人

雪泥偶爾留鴻爪萍水偏教

結酒緣

座中大半
初識面者

清露滿庭歸去晚城樓漏鼓已三傳

重陽後五日過法忍寺小飲和董柳堂

纔罷題糕訪老禪松門寂靜倚寒煙拉同舊侶來初地

爲叩前因向法筵掃徑漫勞僧作主把杯最羨客如仙
獨愴化鶴人遙去論畫空教憶昔年

王子秋丁跌卽曾寓畫于此余與諸

同人時過訪之今已物故爲之黯然

書齋對雪

枯坐擁敗綈寒威逼几案寥寥愁雲凝啾啾凍雀竄六
花飛刁騷萬境耀璀璨始作點猶疎轉眼勢陡悍掘堞
淨階除瓊瑤堆堤岸迭逞龍公威旋覺銀海亂竹欹笑
偏工松枯壓欲斷映牕寒侵膚積徑深沒髣龜手袖尙
墮病軀僵已半便教設懼諭更復圍毳幔茗盃烹龍團
酒爐燒獸炭對景發酸嘶呵凍弄柔翰凌兢聳瘦肩枯
稿空白戰自愧困窮愁無計脫羈絆矧彼襍穢氓安免

飢寒患今秋雨連絲連膝禾糜爛催租急星火賚粟擾
昏旦但籌輸天庾那顧斷晨爨孰知天仁慈不忍民嗟
嘆早降雪兆豐預卜麥無算遺蝗入地深瑞彩並月煥
行當作賀詞庶幾慰里閭如何驢背人祇作清景玩

咏雪用東坡韻四首

同雲慘慘蔽金鴉雪滿千山斷客車皓彩浮空欺兔月
寒光砭骨傲梅花堆來籜笠孤舟釣煮入茶鐺高隱家
剩有吟情降不得呵毫白戰手頻叉

阿滕試手玉纖纖

曹唐詩凌波人渡玉纖纖

始尙微飄繼漸嚴比擬

最工推謝絮晶瑩特麗勝吳鹽

李白詩吳鹽如花皎白雪

懷人自合

宵乘棹照字何須月挂簷老去畏寒知轉甚不禁如箭

朔風尖

曉呵凍墨寫雙鴉

坡詩起來呵凍畫雙鴉

飛雪俄驚半沒車灑砌

旋看真似玉着枝更覺漸成花

韓詩着樹漸成花

獨行好辦先

生履僵卧誰憐處士家

一作蹇驢跨去尋詩思鶴筆披來問酒家

蹊徑東西

渾莫辨窮途奚止有三義

密雲乍合辨穠纖傍晚雰雰勢轉嚴破冷試斟雲母酒
撒空疑散水晶鹽隨風入夜穿疎牖墮瓦無聲壓短簷
便使春光遲漏洩柳條未許茁勾尖

雙對春波影，誰能辨時將。未若前山尖。

雖空綠煙水，鼎重圓風大。外若無風動，

雲生半台。前山影，誰能辨時將。未若前山尖。

華莫辨。誰能辨時將。未若前山尖。

主劍歸。誰能辨時將。未若前山尖。

試香。誰能辨時將。未若前山尖。

與。誰能辨時將。未若前山尖。

山子詩鈔卷九

山子詩鈔卷十

裘庄筇岳方 燾著

六六吟草

起乙卯訖丁巳計古
今體詩共四十七首

次和柳堂春夜宿李氏書齋

寥寥傳漏鼓頻搗話雨西牕燭影斜縱遣春愁消竹葉
奚堪衰鬢對菱花半生作客憐王粲一曲知音愧伯牙
破寂賴君時過我吟瓢酒榼是生涯

閏二月二日同柳堂筠谷遊苓山二首

鬼斧何年鑿迴環翠幾重赤欄盤曲逕白地起孤峰境
僻清輝迥松深午蔭濃老懷猶不淺乘興一支筇

獨峙清茗上幽閒地自偏五松留舊蹟半月湛清漣

山有

五松亭林鳥賡梵唱山雲雜篆煙風流懷六友題石鬪
半月池王驎雲衛蔡崇基放逸孫貽年壽門沈樹德畏堂
詩篇王炯履東王受圮師田六人同遊蒼山鑿六友二
字于石並各題詩岩壁

自荻埭至菱湖

一棹餘不路沿洄引興長種菱河插竹燒笋戶聞香螺
蛤堆溪岸魚蝦足水鄉桃源風景似弭檝傍漁梁

荻埭謁呂祖師廟三首

不信仙宮近市廛清虛偏喜絕塵緣一聲鶴唳松風起
疑到蓬萊小洞天

廟有鶴
二翺

異香馥郁裊爐煙仙去猶存濟世緣時有爲病扶
杖求方者笑我
牀頭阿堵盡但求指石一方傳

榴皮書壁渺雲煙白酒歌成眾口傳今日親瞻君座下
不須更復諱回仙東坡詩序同先生過湖州東林沈氏飲醉以石榴皮書其家東老庵之壁詩云西隣已富憂不足東老雖貧樂有餘白酒釀來緣好客黃金散盡爲收書

登菱湖文星閣

凌虛插翠俯清溪與客同登百尺梯萬瓦碧攢南牖外
千峯青矗畫欄西市聲漸息炊煙暝帆影頻過落日低
敢望朱衣頭暗點名場我久倦輪蹄

遊金蓋山憩撥雲巢

茗南峯嶺秀金蓋更清妍竹密疑無路雲深別有天尋
幽來紫府容我結仙緣欲覓長生訣誰知元又元

清明偶作

微微潑火雨如綿春尙餘寒不放妍白打有誰喧輦轂
彩繩何處戲鞦韆節因逢閨應遲暖歲屢逢荒合禁烟
底事巡檐雙燕子呢喃仍到草堂前

家居雨坐

寂無人到閉荆關不覺尋芳興盡刪坐擁殘書生活冷
倒懸敝橐孔方慳半生空夢隍中鹿一幅閒看壁上山
何日放晴頻策杖金庭玉柱任躋攀

往郡城舟中作

一舸衝波狎野鳧雞鳴村店日方晡東風忽作濛濛雨
山色船頭看漸無

煙水蒼茫濕綠簑偶然載酒雨中過溪痕乍漲鯨魚出

負郭人家下網多

春晴

連朝積雨日閒過
忽喜開晴天氣和
鳥弄歌聲花弄影
不知何處得春多

咏蓴

澱紋滑芴鏡光平
湖面絲莼貼水輕
千縷嫩浮波正暎
一灣香動雨初晴
采來煙艇喧朝市
點入鹽口糝玉羹
惟有鱸魚堪與敵
季鷹千里動歸程

橫山門夜泊

野宿次鳧鷖人家
晚飮餘蓬聲孤艇
雨燈影夜溪漁小
澗喧珠瀑空山響
木魚迢迢眠未穩
爲憶撥雲居

時爲
李生

峙青往撥
雲巢扶乩

舟中卽事

綠秀春塘路乘閒整棹遊
迴汀衝白鳥隔岸叫斑鳩
細雨千村樹斜風一葉舟
掀篷從遠眺隱隱認湖州
漸覺風聲緩踰時雨乍收
天光開晚霽帆影落春流
霞散橫魚尾山晴露佛頭
筆牀茶具在趁好作清遊

自江城發棹夜過平望驛

煙樹初昏乍有無
星河斜亘露潛敷
市樓燈火漁家笛
一櫂扁舟鷺脰湖

北迴橋廟

何年留古寺寥寂少人過
碣斷埋荒蘚垣頽纏碧蘿
棟

簷蛇蛻在經帙鼠痕多欲識無生旨須參四大魔

寂照庵寶枝山房遲溫雪舫不至

境僻遠市喧窅然萬籟寂佛爐吐靜香幽戶生虛白落
葉滿空庭墻角攢秋色心閒詩趣生延伫聯吟客足音
何杳然暮靄凝空碧

書齋菊花盛開適旋里稽留未及晨夕賞玩不能
不遙憶焉感而賦此

藝菊性所耽乞種及隣翁分盆各籤題鱗次色籬東自
春徂九秋培養類孩童詎不惜辛勤爲謀娛雙瞳花時
耀佳色黃白闔玲瓏當有無事朋日來對芳叢而我獨
緣慳末由與之同徒深馳憶心時遇夢寐中譬如懷故

人遠道勞幽衷孰知霜下傑一掃繁華空倘遇皮相者
熟視終矇矇冷香自靜吐兀傲凌寒風不逢陶令賞寧
以嘉遯終

北斡山德濟禪院

山麓隱僧寮閒庭鎖寂寥沿溪環小市開戶對雙橋龍
象經年古鯨音度響遙鴻泥當偶寄誰與話無聊

北斡山野步

風景他鄉異村居泖水濱土宜栽吉貝木綿花一習俗
名吉貝鬥鷓鴣縛壁絲筵密人家多編
細竹爲牆堆場穰稭新一山青獨

峙誰是探幽人

晚次青浦縣

□□天光暝城隅繫短舸寒聲深巷柝遠火隔林春潮
汐通三泖煙雲暗九峯殘年猶浪迹旅宿夢惺忪

自青浦過澱山湖

櫂發青溪路秋容滿客途霜酣楓樹冷天迥雁行孤巨
蘄饒魁蟹豐年足冠鳧一帆風浪便快渡澱山湖

同里曉發

雞唱煙中雙槳鳴波光淼淼撥殘星龐山東去松陵路
一曲吳歌夢乍醒

夜過梅堰

同望垂虹隔冥濛蓬牕寒對一燈紅犬噪村店人眠盡
孤客船行細雨中

舟中作

秋晚茸城路扁舟挂席來邨稀湖水濶野曠雁聲哀
柳蟹雄雙跪溪鱸疊四腮饒他風味好與客共銜杯

作畫戲題

倪迂稱高士畫亦脫窠臼瀟洒無濃皴惜墨等瓊玖
王洽米襄陽淋漓墨論斗滿紙生雲煙彌復覺深厚彼此
各擅奇濃淡兩無負乃知丹青家豈泥成濼守神明存
乎人變化稱能手我素不解畫嗜畫獨無耦畫理固茫
然指訣無授受卻當興酣時操翰趁醉酒但期興所適
奚暇計妍醜蘇公有妙詮不論形似否我實門外人托
此以藉口伸指旣如椎畫虎翻類狗縱被眾口嗤仍日

寫林藪我自用法六法無一有

題漁隱圖

桃花水暖鰕魚肥謝絕輪蹄坐釣磯只恐羊裘人易識
依然披上綠蓑衣

一枚笠子一竿綸到處浮家是富春日在煙波江上住
不曾來一問津人

舟過吳江訪徐花隱不值

五湖溪口泛晴瀾霜色淒清歲欲殫跡印雪泥鴻爪似
風高江路客帆寒夕陽楓葉垂虹岸淺水蘆花釣雪灘
獨悵玉臺曾遠去緣慳未許一瞻韓

煙雨樓用韓子祁詩韻

恰逢晴日豁溟濛
煙雨全消眺望通
百頃湖波環砌碧
四圍欄彩映溪紅
凌空唵嘯疑雲外
無地樓臺入鏡中
我欲持竿來小住
釣鰲磯畔結蒿宮

駕湖泛舟

禾人誇駕湖漪紋
青滑笏我亦蕩舟來
夷猶水雲窟枯
楊風蕭騷羣鳧時
出沒雉堞望峨峨
塢影沉兀兀中有
煙雨樓疑是神仙
宅金碧相照耀流
光殊超忽倚棹坐
中流清興覺頻發
欲持一長竿高占
釣鰲國不然携鐵
笛一曲吹明月

湖筆

中書君久擅佳名
造自茗川更有聲
評品不輸青錢貴

瀟毫喜有碧湖清
仿來蒙氏仍秦製
好把吳興作管城
倘許凌雲誇賦手
道峰文筆並崢嶸

湖鏡

匠手湖城數薛家
玉臺懸處耀瓊華
淬來雪水涵寒采
照向晶宮淨點瑕
光滿十分欺桂魄
奩開七出漾菱花
怪他多少箴銘氏
不見曾邀拂拭加

假山石

生來石狀何奇異
嵌空光怪誇珍秘
或如虎踞勢□□
或如獅搏力雄肆
瑣碎如掛于思髯
突兀如撐夜叉臂
巧匠層叠叠成峰
爲嶠爲崧翠幾重
誰家園林擅奇勝
平地陡起青芙蓉
疑是蓬萊割取來
割來左股畫圖開

不然學得壺公術咫尺縮入峰崔嵬誰知湧現十指尖
運以匠心慧力兼坐對遂足窮幽探君不見獅林硯山
兩奇絕玲瓏萬狀真罕敵又不見壺中九華與仇池蘇
公誇說同拱壁

由靈隱至發光

石磴盤空路蜿蜒樓臺高倚絕塵緣九枝海日懸珠箔
四面湖山拱畫椽綠上客衣全是竹晴飛凍雨總因泉
何年丹竈留巖畔燒藥猶傳葛稚川

金錢花二首

小如錢樣色如金易動人間贖貨心似我喜無和嶠癖
任他拋擲滿庭陰

開傍瑤林不諱錢洗空銅臭吐幽妍倘堪沾酒酬遊興
好向坡公杖上懸

紙鳶

紙糊沒字解高翀野外春晴趁午風詎必翱翔憑羽翼
翻教升降在兒童偶因線索從人引便覺雲霄有路通
多少頽翎珠樹鶴亦曾讓爾入遙空

舟中望道場山

茗南富山嶺道場其巨指唐有伏虎禪逢此踪輒止我
偶盪舟來掀蓬深翹企嵐翠徹重霄塢影倒清泚噴泉
樹杪飛香靄空中起樓臺縹緲間雲霞燦紅紫安得踏
其巔振衣縱遠視羣岫等兒曹五湖渺杯水不然縛一

椽棲托避城市日携白木鏡
劔藥伴仙子

秋桑

得桑字

春風三月綻柔桑轉盼凋傷滿野塘
無復清陰遮曲徑
但留悴葉傲嚴霜攀來纖手剛抽綠
望去荒畦忽隕黃
帝女山頭蕭瑟甚人間剩有眼前瘡

秋霜

得霜字

曙光洗碭氣蒼蒼涼露潛凝五夜霜
一片晶瑩欺素月
十分刻露耀寒芒薄粘鴛瓦痕全白
冷壓虬枝葉半黃
簌簌飛空關路迥板橋人跡認微茫

表忠觀落成詩以誌事

葺宇崇禋祀鳩工喜落成妙因移故址

田汝誠西湖志
宋熙甯十年郡

守趙抃始以龍山廢刹妙因院誠應賜嘉名國朝
奏改爲錢王祠賜額表忠觀賜號誠應

奕奕臨湖渚巍巍倚郡城神威仍儼在廟貌已新更憶

昔王初誕維時瑞屢呈山川潛毓秀甲馬暗騰聲武肅

家王始誕之夕後舍間甲馬聲甚眾父寬怪之欲棄于
邱氏之井王大母固止之因小字曰婆留而井亦以名

兆卜人豪出祥徵石鏡明又臨安山有石如鏡鏐微時

婆留天默眷龍起雨隨行又遇歲旱縣令命道士東方

中有龍起必大異令乃止明年復旱生指五季當蠶擾

鏐所居曰池龍已生此家時鏐始誕矣

諸藩逐鹿爭乘時方崛起策騎遂長征戰壘轟鉦鼓軍

營肅旆旌妖氛收彗孛怪鳥滅羅平唐書五行志咸通

四目三足其聲曰羅奮臂鯨堪掣衝鋒虎敢攫誅劉強

平占者謂主倡兵亂虜屈斬董眾心傾謂董保障臨安邑森嚴節度兵凱旋

軍迭犒守固釁奚萌但仗雙戈舉高青邱詩金戈雙風煙開按雙戈乃錢字

之文猶漢卯旋欣半壁撐雄姿原罕匹霸業洵匪輕浙

水東西合邦家吳越并射潮迴巨浪握髮禮羣英西湖志王

宮中建握髮特溥魚鹽利全蘇塗炭氓披繒榮里樹王

殿以禮士鄉里父老草銷甲事春耕勳可旂常勒漿恆道路迎還

木皆披錦繡武肅世家王宴父納土順輿情裘馬風何壯

鄉歌麗曲老製為還鄉歌又梁王問進奏吏曰王有所好乎吏

日好玉帶名馬梁王曰真英雄也江山運自亨頻看

頒錫典相繼下神京玉冊褒封厚金符帶礪盟唐賜鐵券宋賜

玉冊見蘇軾五王隆冕服三世表忠貞浙江通志觀在

表忠觀碑記武肅王鏐及王子文穆王元瓘瓘子忠獻王宏佐生沐

忠遜王宏侖忠懿王宏俶明復移建于靈芝寺址生沐

君恩渥神邀祠祀誠惟嫌經剝蝕因復飭修營墻埽蝸

涎淨庭除鼠跡盈增華開碧殿踵武敝朱甍題額 天

章燦

聖祖仁皇帝南巡御書江山保障額

書銘椽筆精綺霞輝錦幔海

日耀雕楹晴挹靈峯翠春聽柳浪鶯

西湖志柳浪聞鶯在表忠觀之右

林花縈戶馥波縠繞階清制較南朝峻基當斯地宏升
香冠蓋集奏樂管絃鳴祝史恭趨事祠官謹告牲子孫
承餽灌奕禩薦彞盛瞻像鬚眉凜聞風慨慕生丹衷干
古炳浩氣九霄橫鈴鐸敲幽韻爐煙颺晚晴 翠華巡
幸屢頌德句崢嶸

幸與松樹同勁節

古風韻無大得蘇金鞍故謝謝歌賦與

水隨巖處轉蕪蕪桑益深欲遠取美固風物

齊辰善染天果皆歸國馬史其能尋以

林莽為只更此盛詩謝謝謝謝謝謝謝謝

日難遲謝謝謝謝謝謝謝謝謝謝謝謝謝

草賦謝謝謝謝謝謝謝謝謝謝謝謝謝

山子詩鈔卷十

山子詩鈔卷十

山子詩鈔卷十一

裘莊筍岳方 燾著

贅生草

壽二松主人張丈八表

二松主人煙波叟五湖南岸宅三畝元真仙骨季鷹風
落落不與凡俗偶昔曾遠作湘楚遊雲夢胸中吞八九
歸來倦息故園中年當大耋心猶雄耳不容麥目方瞳

相法耳門不容麥者壽又仙書眼方者壽陶宏景瞳子有時而方鶴髮顏如桃花紅我

聞有德必有壽壽乃自壽天無功人生大患在暴殄損
人福澤減壽算主人搏節善頤養應獲修齡安且善晴
窗風物當清妍偶然遊戲寫雲煙手握坡老筆三錢屈

鐵直將山嶽鞭倪迂黃癡合一手林泉逸品水墨仙寫
生更復工畫菊白陽山人共標目客來踏破鐵門限乞
取片紙同珠玉煙霞供養壽益臻春回正值懸弧辰欄
藥四照花如裯八千爲歲榮靈椿一堂輝映無邊春況
逢來國典隆耆宿綸音下逮頌品服杖屨逍遙天趣饒
仙籌自合添海屋竚看九十再稱觴芝蘭競秀吐奇馥
我當更進三多祝

綠珠行

主人張文公

石家金谷起瓊樓雕甍畫闥裝琳瑯明珠斛量買妾住
儼然天仙樓上頭顏色如花稱絕世節操堅白冰雪似
甲士如雲動地來寶星一點擲何駛珊瑚步障盡爲塵

樓臺寂寞嗚山禽銀箏玉笛罷歌吹剩有美人一片心
嗚呼石家妾性婉淑捐軀報主獨卓卓不羨喬家有碧
玉唐喬知之有美妾曰碧玉武承嗣借以教諸姬
遂留不還喬作綠珠怨詩寄之碧玉赴井死

紫藤花

首夏花事闌高蘿獨破萼馱蔓垂清陰

吳都賦卉木馱蔓

麤筆

拂斜桷亂挂驪龍髯密張翡翠幄紫玉琢瓏玲蕨腦抽

斑駁

華岳詩蕨腦纒抽稚子拳

新條何丰茸老幹欲崩剝恆引土蜂

喧時有雀豹啄

韓詩相殘雀豹趨注雀之鷺者名雀豹

清馥散庭除涼風

來屋角花下時憇坐塵氛淨如濯當招高陽徒酣泛中

山醪

贈吳栢村

羨君占得好林邱過我真堪三日留架上蟲魚編甲乙
欄前花藥記春秋品高鶴唳吹簫者詩重雞林問價舟
寄托直超塵壒外直將世事等蚍蜉

清明

家家插柳滿前楹風物隨時遞變更我在病中俱懶記
怱怱不覺又清明

穀雨

鶉鳩嗶雨雨如塵水滿溝塍漬穀新好景一年今欲盡
愧余不見一分春

立夏

流光冉冉換朱明樽飭堆盤更紫櫻我獨無緣酬令序

猶然煮藥向南楹

送友北上

駿足騰長途健翮凌青霄我友威鳳姿豈屑戀蓬蒿慷
慨出門去握別臨河橋手挽青絲鬢腰佩紫艾刀昂藏
顏何雄奮發氣尤豪丈夫有奇志闊步恣游翱寧囿醯
罍中直欲跨鯨鼉

初秋喜涼

一雨洗炎氛披襟頓涼快夜來秋有聲候虫鳴畦薤菜
莉吐清芬素萼沾沆瀣曉起理袂衣與客聯茗話几席
淨無塵戲仿倪黃畫興至更長吟詩了隔年債清風時
徐來幾忘室湫隘噩夢況久醒何用詹尹卦

題垂釣圖

一枚笠子一竿綸
酣綠天紅擁釣輪
分得桃源天半角
莫教認作世閒春
生涯贏得水雲寬
錦浪風前手把竿
自是一塵無處著
千金不換此江干

自題詩稿後

我生無一能吟詠
乃癖好所好非所優
學語類襁褓空
腹固枵然筆墨並
枯槁依樣畫葫蘆
雜錦縫衲襖又類
候蟲鳴唧唧嗁晴昊
不避覆瓿嗤寧願
撼樹誚自幼歷
暮齡藉是抒懷抱
肩聳不知疲髮白
不知老叢殘几案
閒日久疊成稿年
已屆古稀猶自窮
搜討但可自怡悅

不爲外人道

藍菊和韻

異種疑從野外尋
花如染靛迥無倫
一樽酒泛蟻沾朶
三徑松高獬繞身
畫意好憑天作色
秋容淡借水爲神
奇姿獨歎難多得
時費終朝采幾巡

畫菊雜題代張二松八首

梧院涼生雨霽時
軒窗明淨動幽思
興來欲借黃筌筆
戲展溪藤寫折枝

點綴秋光逸趣饒
合隨香草入離騷
敢將俗艷汚高格
墨瀋輕調祇淡描

能事由來數白陽
花枝欲活墨生香
饒他指訣通神妙

此外何人更擅長

雅羞附熱向朱門
遁跡柴桑高士村
知是此花能耐冷
寫來紙上有霜痕

陶家風味畫中收
品格清奇致亦幽
彷彿重陽時節近
一籬風雨不勝秋

佳種分來並擅名
玉球金鎖燦前楹
飽看便可爲藍本
日握霜毫寫幾莖

貌得籬花墨淺深
一叢徑畔弄秋陰
筆端只恐泥形似
遺卻陶公高隱心

江南秋老眾芳殘
此獨抽妍凌晚寒
一片淒清誰是侶
添描翠篠兩三竿

又五言絕四首

墨菊無凋落賞玩隨時有日可泛酒卮不必九月九
兀傲霜中傑偏從紙上開對花酬令節疑有白衣來
洗硯研隃糜花葉分濃淡雖非英可餐庶足供清覽
不栽磁盆中可黏雪色壁閒來時一觀恍入羅含宅

戲倣一字至九字體一首

菊花黃葉綠拒秋霜吐幽馥寄跡蓬門托根籬落耐冷
遠炎氛開遲甘寂寞供楚大夫夕餐伴陶徵君高躅飽
含清氣獨幽妍淡逗秋容偏卓犖聯爲香譜九畹芳蘭
締作寒交數竿翠竹既可賦詩會客泛盃觴何妨濡墨
抽毫圖畫幅

碧浪湖秋泛

碧湖湖水平於掌波光滉漾開秋爽快乘一葉恣游翺
水晶宮裏寄幽賞江天木脫清風來羣峰匝匝圖畫開
莫問峴首金蓋指顧閒了了更愛道場天目諸峰青崔
嵬中流倒印天一角塢影層層浸寒玉坐來小艇任夷
猶水色山光看不足晚風瑟瑟荻花秋夕陽欲下林塘
幽客帆過盡暮山碧縠紋滑笏鏡光浮斯時安得桓伊
笛笛聲醉弄水雲窟扣舷一曲歌滄浪歌聲笛韻兩清
絕少焉吹上山頭月

賦得日永吳蠶上箔時

七排得眠字

晷影遲遲日似年鳩鳴屋角暮春天綠雲滿徑桑齊綻

紫棟飛花蠶正眠，懶比美人貪。午睡困同酒客，醉芳筵。
風暄磷藉，停攢食人去。芳畦罷采鮮，簾幕影低桃戶靜。
茅簷書永，桂鉤懸中多。靈巧猶藏蓄，腹貯經綸類哲賢。
絲待纜餘驚雪白，繭當成後擬珠圓。伫看黼黻輝。
丹闕衣被羣生。

帝德宣

題畫螭二首

小幅丹青憶馬麟，玉奴腰瘳傍籬根。過時也解憐秋色，
掠得香鬢碎纈痕。

寒枝零落賸餘芳，點染輕盈亦淡妝。是處商飈摧凍翅，
依然款款戲秋光。

耳疾

我年屆古稀聽官忽不明初作鶻鈴響漸若風浪鳴與

客坐對談衰如雙目瞪竟同兩豆塞不聞雷霆聲

鶻冠子兩

豆塞耳不聞雷霆

閉門且靜坐雜念屏勿營萬事風過輪

王建詩萬

事風吹過耳輪

機心奚由萌黑白任人變是非不我爭聞根一

以斷身逸心常清此反爲美疾何用鑿評衡雖古有良
法社酒治最精我寧不泥飲絕交謝翹生耳聾心不聾

魄礪胸由平

過葉香畦碧桃山房卽贈疊韻二首

碧湖西去鮑山南地僻林深結小庵坐擁羣書城抵百
愛延佳客徑開三詩才久著吟尤健棊癖新添興更酣

數載睽違今握手一燈如豆快叢談

行過陂西又水南溪花嶺月擁雲菴坡仙拄杖錢惟百
耘老精廬閒止三砌角自栽花獨富甕頭新漉飲頻酣
辭歸春樹千重隔何日重聯一夕談

閩蟋蟀歌

甕城峨峨等崇墉鋒爭土寇角兩雄黑頭鐵甲象玄武
背鬼跳躍矜小戎先聲口鳴氣先奪賈勇徇壘期奮衝
虬髯怒作蝟毛磔礪齒切擬長牙礮斯須兩軍俄合鬪
憤兵猛氣俱填胸塵暗鉅鹿觀壁上雷轟昆陽塵野中
巨額廣額利劔戟虎膺猿臂便擊攻驀地勁敵乍拔幟
肢體磔裂委翳蓬凱歌齊唱競鼓掌將軍乃以勇建功

百餘小醜悉退舍屏伏無復前交鋒感秋鷹揚尙徂擊
正合一掃沙漠空策勳直躋蟲達右飼以白粲居金籠
假幃日留題齋壁二首

忽經九載此栖遲贏得蕭蕭兩鬢絲閒不易消時作畫
悶無可遣強裁詩疇曩已悔空彈鋏倦翮何須更借枝
歸去不嫌岑寂甚故園梅正欲開時

侵晨揮手賦歸歎別去瀟瀟風雨廬綠酒論文經歲久
青燈話別向更餘已知故里荒三徑剩有殘編載一車
自此重溪當遠隔應傷離索困閒居

戊午除夕四首

冉冉流光類轉輪旋驚歲序欲更新牆餘積雪留殘臘

梅趁東風報早春，抱憾未完身內事。
問年已屆古稀辰，團圓且共家人飲。
柏葉香濃酒一巡。

骨格峻嶒太瘦生，撥殘爐火坐深更。
已知無地容彈鋏，更有何方可代耕。
歷歲那堪囊已涸，祭詩差喜稿偏盈。
生涯冷淡由來慣，漫說書堪抵百城。

戶貼宜春映夜缸，嗟貧歎老意難降。
謀生只仗書三篋，乞米空頽筆十雙。
誰復入笈憐病鶴，生憎吠影沸羣厖。
耐寒獨擁青氈坐，淅淅尖風透紙窗。

留得浮生又一年，且拈清課度華顛。
病餘漸熟君臣藥，老去難拋詩畫緣。
偶得好花頻拓地，時來佳客對談玄。
午窗無事還高臥，懶癖何妨學老邊。

山子詩鈔十一卷方笥岳先生箸先生名燾邑諸生家
南林之西曰裘莊幼穎異嗜學師事其兄熊熊字飛崖
與里中諸子結田園社春秋佳日賡倡迭和先生與焉
先生詩冲澹夷猶不事絺章繪句而天機流衍自諧律
呂與海鹽朱玟笠亭並爲騷壇泰斗又善畫集中有自
題畫卷詩今畫不可見讀其詩可想見其畫東坡謂詩
畫本一律天工與清新又謂古來畫師非俗士摹寫物
象略與詩人同此皆言天機所合不期工而自工詩與
畫同出一源也又纂南潯鎮志甄采精博足補潘范二
志之闕潯溪詩徵言先生詩鈔十一卷編年自戊寅訖
丁巳不著年號計其時當在乾嘉間是編卷數正同惟

戊寅訖癸巳在第七至第十卷繼自甲午訖丁巳乃在
第一至第五又田園社唵爲先生少作當爲卷一今乃
爲卷六不知何以前後易置疑先生手稿本爲二冊只
標集名未列卷數上冊始今刻之卷六至卷十五卷下
冊始今刻之卷一至卷五五卷則編年之始戊寅迄丁
巳一一吻合編次者二冊偶易其上下寫官遂承其誤
耳至今刻之贅生草一卷卷末有戊午除夕四詩定爲
戊午一歲作丁巳之後意先生不日歸道山未及以甲
子編年耳又案南潯鎮志著述二有山子詩鈔十一卷
其次第與前說略同惟贅生草列之卷六猶有未合鎮
志先生所著尙有笥岳詩贖二卷未見傳本當更迹諸

南林之藏書家續刊之以窺先生之全豹云歲在辛酉
端陽日吳興劉承幹跋